


ht



N. K

BAIL

FAICT PAR LE ROY A

Maistre Iean Dugoune Esleu à
Xaintes, de la ferme generale des
Gabelles de France, pour sept an-
nees.

*Avec l'adiudication derniere, à Mai-
stre Iean de Moisset, subrogé au
lieu dudict Dugoune.*

Et les verifications de la Chambre des
Comptes & de ladicte Cour, des
Aydes.

8. Juin



A PARIS,

Chez Abraham Saugrain, rue S. Iacque au des-
sus de S. Benoist deuant les trois
Saucieres.

1617.

Case

F

39

. 326

1617 f56

THE NEWBERRY
LIBRARY



BAIL FAICT PAR LE
Roy, à Maistre Jean Dugonne
esleu à Xainctes, de la ferme ge-
nerale des Gabelles de France,
pour sept anneés.

LOVYS PAR LA GRACE
 DE DIEV ROY DE FRAN-
 CE, ET DE NAVARRE,
 A tous ceux qui ces presen-
 tes lettres verront, Salut.
 Ayant fait dés le treziesme
 Aoust dernier, expediernoslettres de com-
 mission, à nos amez & feaux Conseillers &
 Thresoriers generaux de France, pour faire
 publier par tous les lieux & endroicts de
 leurs generalitez, que nos droits de gabelles
 & fournissement de nos greniers & chambre
 à sel, qui sont en l'estenduë des generalitez de
 Paris, Rouen, Caën, Amyens, Chaalons,
 Tours, Orleans, Soissons, Dijon, Bourges
 Moulins, & ce qui depend de la generalité
 de Blois, seroient baillez au plus offrant &
 dernier encherisseur en nostre Conseil, la
 part ou nous serions, au premier iour qu'il se

tiendroit, au mois de Ianuier dernier, & au-
 tres iours suyans, pour six années, qui cō-
 menceroient au premier iour d'Octobre mil
 six cens dix-sept, & qui finiroient à pareil
 iour, mil six cens vingt-trois, aux conditions
 qui seroient declarées, ils auroient la plus
 part d'iceux enuoyé leurs procez verbaux,
 & ne s'estans presentés aucuns encherisseurs;
 Nous aurions depuis jugé, que le plus prōpt
 & asseuré moyen que nous eussions pour e-
 stre secourus en la necessité de nos affaires: &
 pour accomplir, & executer les conditions
 & articles que nous auons accordées pour le
 bien de la paix, estoit de remettre les cinquā-
 te sols qui se souloient leuer sur chacun mi-
 not de sel, pendant le bail faict a nostre amé
 & feal Conseiller & Secretaire Maistre Iean
 de Moisset & qui auoient esté ostez & dimi-
 nuez, sur les offres de Maistre Thomas Ro-
 bin, lesquels pour lesdites considerations par
 arrest donné en nostre Conseil le septiesme
 Aueil dernier, Nous auons ordonné estre re-
 stablis, leuez & perceus, ainsi qu'ils se fai-
 soient par le bail dudit de Moisset, à commē-
 cer au premier iour de Iuillet prochain, &
 desirant pour subuenir aux grandes sommes
 de deniers qu'il nous conuenoit, pour four-
 nir tant a l'accomplissement desdits articles
 par nous accordez, quelicentement de gens
 de guerre, pour le repos de nos subiects, e-
 stre aussi secourus des deniers prouenans de
 la leuée desdits cinquante sols. Nous aurions
 proposé de faire bail general de nosdites ga-

belles, à la charge de nous faire aduancé des deniers prouenans de ladite leuée. Surquoy nostre bien aymé Maistre Iean Dugoune Esleu en l'Eslection de Xainctes, se seroit présenté, qui nous auroit offert, s'il nous plaisoit luy faire bail general desdites gabelles, comprise la Bourgogne, pour sept années trois mois, à commencer du premier iour de Iuillet prochain, à condition qu'il prist & peut leuer le prix que leuoit ledit de Moisset, ensemble les impositions des riuieres mises sur ledit sel, comprises au bail fait à Maistre Thomas Robin, & autres conditions contenues tant es baux cy-deuant faits, que autres qu'il proposera pour l'vtilité de ladicte ferme, lesquelles seroient trouuées raisonnables en nostre Conseil: & specialement de n'estre tenu de payer à nos officiers, qui sont de present establys autres choses que leurs gages ordinaires, n'y autres droicts que ceux des descentes, desquels il ne se fait aucune leuee dans le grenier, ainsi que sont à present les fermiers, de nous payer pendant chacune desdites sept années, la somme de cinq millions six cens mil liures, & pour lesdits trois mois dudit quartier de Iuillet, payer nos droicts sur le pied de la vente qui se fera dudit sel & de ladite somme en payer par aduance quinze cens mil liures. Sçauoir neuf cens mil liures, a la deliurance de son bail, & six cens mil liures a trois payemens esgaulx, de deux mois en deux mois apres la verification d'iceluy, es compagnies ou besoin sera,

& pareille somme de quinze cens mil liures au premier iour d'Octobre de la 3. année dudit bail, à la charge de ne prendre son remboursement qu'au courant des six premières années d'iceluy bail, par esgalle portion, qui est cinq cens mil liures par chacune d'icelles : & pour le surplus montant cinq millions cent mil liures, les payer en nostre espargne aux termes accoustumez. Et d'autant que nos fermiers pourroient pretendre que leurs baux n'expireroient qu'au dernier Septembre mil six cens dixsept, & que ce seroit rompre la foy de leurs baux, de la requoquer dès maintenant, pour euiterausdites plaintes, il auroit consenty, que lesdits fermiers jouissent des ventes qui se feroient au courant des quinze premiers mois de sondit bail é prenât a leur profit particulier les mesmes prix seulement qui se leuent à present bien & deuément, à la charge que les Commis qu'il pourra auoir sur les lieux, auront vne clef du grenier, & assisteront aux ventes, & descentes, si bon leur semble, sans y pouuoir estre troublez ny empeschez : Et que iceux fermiers satisferont au payement du prix de leurs baux, & à toutes les charges qu'ils sont tenus, à cause d'iceux, sans aucunes excepter; mesmes à l'entretènement des Archers qu'ils ne pourront leuer qu'à la fin du mois de Septembre mil six cens dixsept & que les deniers qui prouiendront durant ledit temps, à cause de l'augmentation des cinquante sols, remiès sur ledit sel, demeu-

reront pour luy & a son profit particulier ,
a la charge de nous les faire valloir iusques a
la somme de six cens vingt quatre mil liures
sur laquelle il se remboursera des cinq cens
mil liures, pour la premiere année de son ad-
uance, Lesquelles offres après auoir veues &
considerées, & icellés iugées raisonnables &
vtils pour le bien de nos affaires & seruice,
Nous les aurions par arrest donné en nostre-
dit conseil l'vnziesme dudit mois d'Auril re-
ceues & acceptées, & ordonné que dans qua-
tre iours apres que les articles de la paix gene-
rale seroient signez, bail general de nostre-
dicte ferme generale de nosdites gabelles de
France seroit expedie audit Dugoune, aux
conditions portées par lesdites offres, a sca-
uoir de payer dans lesdits quatre iours apres
ledit bail fait, les neuf cens mil liures dont
mention est faicte cy-dessus, a la charge si
dans deux mois: à compter du iour de l'ex-
pedition dudit bail il se presente personne
qui face nostre condition meilleure d'une
somme notable par an, comme de cent mil
liures, au moins qu'il y sera receu, en ren-
dant & payant comptant dans huit iours a-
pres ladite somme de neuf cens milliures que
ledit Dugoune sera tenu payer a l'espargne
dans le temps cy dessus mentionné, & outre
ce, la somme de deux cens mil liures, a la-
quelle nous auons liquidé & arbitré ses frais,
& pareillement luy rendre les obligations ou
promesses qu'il aura faites a cause des 600.
milliures restés des 15.cés mil liures de la pre-

niere année, autrement & à faute de ce faire
 par l'adiudicataire, son adiudication demeure-
 rera nulle & de nul effect, sera tenu de paier
 la surenchere qu'il aura faite par dessus les-
 dites offres de cinq millions six cens mil liures
 par an : & les susdits deux mois passez ne se-
 ront aucunes offres receuës, publication ny
 adiudication faite de ladicte ferme, ains
 demeurera ledit Dugoune en pleine posses-
 sion de son bail, sur lequel present bail, de-
 puis nostredit arrest du vnziesme Avril, le-
 dit Robin & plusieurs des fermiers & sous-
 fermiers de nosdites gabelles auroient esté
 ouys en nostre dit Cōseil, auquel auroit esté
 représenté audit Dugoune que par le sixies-
 me article de l'affiche arrestee en nostredit
 Conseil ledit treziesme Aoust dernier, en-
 uoyée a nosdits Thresoriers pour la publica-
 tion de nosdites gabelles: Il est expressement
 specifié que le droit d'emboucheure de
 douze sols six deniers pour minot de sel a la
 vente dedans les greniers, les nouvelles im-
 positions de Loire : les douze deniers des
 gages de nos Secretaires de l'ancien college,
 creües de cinq sols & deux sols six deniers
 pour minot de sel dont a cy deuant iouy
 Maistre Charles Paulet incorporez a nostre
 dite gabelle, seroient coniointemēt adingées
 avec ledit droit de gabelle, pour en iouyr
 par les fermiers és lieux ou elles se leuent a
 present. Ce qu'estant, ledit Dugoune auroit
 offert nous payer par chacune desdictes sept
 années dudit bail, la somme de cinq millions
 sept

sept cens soixante cinq mil cent quarante li-
ures, tant pour la ferme de nos droicts de ga-
belle, creuës & augmentations, reſtabliſſe-
ment deſdits cinquante ſols pour minot, que
pour leſdites trente liures pour muid de ſel
des emboucheures de nos riuieres de Seine &
Loire, & pour les nouueaux ſubcides de no-
ſtre dite riuiere de Loire, 5. ſols 2. ſols 6. deniers
& douze deniers de nos Secretaires ſur cha-
cun minot de ſel, dont les fermes & receptes
ont eſté joinctes à noſtre dite ferme des ga-
belles, tant par le bail dudit Robin, qu'ar-
reſts, declarations, & baux ſubſequents, &
leſdits droits incorporez à nos autres droits
de gabelle par ladite affiche du trezième
Aouſt dernier. Sur leſquelles offres, par l'ad-
uis de la Royne noſtre tres-honorée Dame &
Mere, & de noſtre dit Conſeil, A v o n s faict
& faiſons par ces preſentes bail audit Iean
Dugoune, du fourniffement general de nos
greniers à ſel de France, & ferme de nos
droits de gabelle, prix de marchant creuës &
augmentations pour ſept années trois mois,
qui commenceront au premier iour de Iuil-
let prochain an preſent mil ſix cens ſeize, &
qui finiront le dernier iour de Septembre
mil ſix cens vingt-trois, aux conditions cy-
apres declarées. C'eſt a ſçauoir.

I.

Q V E nous auons accordé, & accordons
audit Dugoune, le fourniffement ge-
neral de tous les greniers à ſel, eſtans és ge-
neralitez de Paris, Champaigne, Picardie,

Soissons, Rouen, Caën Orleans, Tours, Bourges, Moulins, Bourgongne, & ce qui depend, de la generalité de Blois, pour sept années, trois mois, qui commenceront le premier iour de Iuillet prochain, 1616. & qui finiront le dernier iour de Septembre 1623. aux mesme prix de marchand, pour chacun grenier dont ont iouy pendant leurs baux les sieurs Iosse, & de Moisset precedés Adiudicataires, & sans qu'il soit aucunement tenu a la diminution des cinquante sols pour minor, que Maistre Thomas Robin à present Adiudicataire general desdits greniers, & ses sous-fermiers sont tenus faire au peuple sur lesdits prix de marchand: En ioignant sa Maiesté a ceste fin ausdits Thresoriers generaux de France en chacune generalité, & aux officiers desdits greniers qu'ils ayēt a faire iouyr ledit Iean du Goune desdits prix de marchand, faire restablir remettre & faire payer à la vente du sel esdits greniers, lesdits prix de marchand entier: comme il a esté par Arrest de nostre Conseil, pour le bien de la paix. Nous estant reserué de soulager nostre peuple sur autres impositions qui se leuent sur iceluy, & à faire diminuer le prix dudit sel apres l'expiration dudit bail, ou plustost, si les affaires de nostre estat le peuuent permettre.

I I.

Iouyra ledit du Goune de nos droicts de gabelle, creuës & augmentations, montans à la somme de trois cens quatre vingts dix sept liures douze sols pour muid, com-

II

me aussi il iouyrades trente liures pour muid, qui se leuent ès greniers, qui se fournissent par les riuieres de Seine, & Loire au lieu de 24. liures qui se paybient à Rouen, & Ingrande pour les emboucheures desdites riuieres & Paris d'icelles, seize sols pour muid, pour le pontage dudit Rouen, & des nouveaux subsides de Loire & Paris, ès greniers de la generalité de Bourgogne, qui se fournissent par ladite riuere de Loire, dont ledit Robin & ses sous-fermiers iouyssent, ensemble des cinq sols, deux sols six deniers & douze deniers de nosdits Secretaires, le tout incorporé a nosdits droicts de Gabelle, & ce en tous les greniers ou lesdits droicts se leuent a present sans aucun excepter, encores qu'ils en fissent le fournissement par autres riuieres & endroits, que lesdits greniers se fournissent aujourdhuy, attendu l'incorporation que nous auons faicte desdits droits a nos autres droicts de gabelle, & promettons l'en faire iouyr en vertu du present article en tous lesdits greniers.

III.

Lesdits droicts de gabelle, creuës, augmentations, droicts d'emboucheures, pontage de Rouen, nouveaux subsides, cinq sols, deux sols six deniers, & lesdits douze deniers de nosdits Secretaires, cy-dessus ballez audict Dugoune, seront par luy ou ses commis receuz de iour en iour, à chacune ouuerture de grenier, avec les deniers de son prix de marchand, sans que les officiers, ou

autres s'y puissent immiscer , si ce n'est du consentement dudit Dugoune & seront les commis & autres personnes qui s'immisceront à la recepte des deniers appartenans audit du Goune, contraincts à remettre & payer iceux entre ses mains , en vertu de ses contraintes, comme pour nos propres deniers & affaires.

IIII.

Seront moderees le plus qu'il se pourra, toutes autres leuees qui sefont sur le sel montant contre-mont les riuieres pour quelques causes & occasions qu'elles soient faictes, assises & imposees. Faisant defences à tous Receueurs, Fermiers, Gouverneurs, Capitaines, Gardes des villes, ponts & passages, de plus prendre ny recevoir aucuns deniers sur le sel passant, sinon ainsi & en la maniere qu'il sera prescrit par le Reglement qui en sera faict par nostre Conseil, & s'il s'en faict aucunes, ledit du Goune en aura son remboursement a la vente du sel és greniers avec le Paris de plus, pour les dechets & interests ainsi qu'il a esté pratiqué par les precedens Adiudicataires, & aduenant que voiturant le sel contremont les riuieres il se fasse quelque naufrage où il y ayt perte de sel, apres auoir payé lesdites leuees, impositions & subides en ce cas ledit du Goune, ses associez, personniers, & cessionnaires pourront faire repasser pareille quantité de sel que celle qui aura esté naufragée, sans payer aucune chose desdits droits, impositions & autres subides,

& pour cest effect presentera requeste a nostre Conseil.

V.

Faisons defences aux Thresoriers generaux de France en chacune generalité, de prendre cognoissance desdits deniers, ordonner, disposer, ny faire aucun estat d'iceux, sur peine d'en respondre en leurs propres & priuez noms : seulement cognoistront des dons, octrois, & autres droicts accordez a plusieurs villes suiuant les permissions qu'ils en ont de nous, gaiges de Presidiaux, & autres droicts qui se leuent, outre & par dessus ceux cy-deuant declarez qui seront leuez & employez a l'effect auquel ils sont destinez, ny mesmes prendre aucune cognoissance des sentences & condamnations d'amendes qui seront iugées contre les faux-saulniers, & habitans des villes & villages, ny donner aucune surseance de l'execution desdites sentences & iugemens, a peine d'en respondre ainsi qu'il est dit cy-dessus, en leurs propres & priuez noms promettans ne faire, ny accorder cy-apres aucune augmentation de prix sur le sel, soit a nostre profit ou desdites villes, communautez & autres personnes quelconqués, pendant le temps du present bail, sans le consentement dudit Dugoune.

VI.

Et d'autant qu'entrecy & le premier iour de Iuillet prochain que ledit Dugoune doit entrer en iouissance de ladite ferme, de nos droicts de Gabelle & autres a luy cedés cy des-

fus, le present contract, & le reſtaſſement
deſdits cinquante ſols pour minot qui ont
eſté diminuez dudit prix de marchand, par
le bail dudit Robin, ne pourront eſtre veri-
fiez en nos chambres des Comptes, & Cours
des Aydes de Paris, & Rouen, Parlement &
chambre des Comptes de Bourgogne, que
par nos Treſoriers generaux de France eſdits
generalitez, & qu'il eſt neantmoins neces-
ſaire audit preneur d'eſtablir des Commis en
noſdits greniers, pour faire la recepte audit
iour. Nous luy auons permis, attendu la
brieueté du temps, de commettre a la recep-
te des deniers à luy affermez par le present
bail: Enioignant aux officiers de noſdits gre-
niers chacun en ſon reſſort, de tenir la main à
l'eſtaſſement de ceux qui ſeront porteurs
de la procuration dudit Dugoune, en vertu
du present contract, ſans attendre la veri-
fication d'iceluy, & faire leuer leſdits cin-
quante ſols pour minot, qui ont eſté dimi-
nuez par ledit Robin dudit prix de marchand
ſuiuant & conformement aux commiſſions
qui en ont eſté expediees, à peine de nous en
reſpondre en leurs propres & priuez noms,
& de tous les deſpens, dommages & intereſts
dudit Dugoune.

VII.

Que le contremefurage qui ſe faiſoit cy de-
uant à Ingrande ſur la riuere de Loyre, de
present tranſſeté au pont de Cée ſur ladite ri-
uiere, y demeurera eſtably, & s'y fera le cõtre-
meſurage de tout le ſel qui ſe mènera & con-

duira le long de ladite riuere de Loyre & riuieres adjacentes, & y feront les officiers les meſmes fonctions de leurs charges qu'ils faiſoient audit lieu d'Ingrande, & pour le ſel qui ſe mene par la riuere du Maine ſera contre-meſuré a Angers, par les officiers dudit lieu.

VIII.

Ledit Dugoune, ou ſes Commis auront vne clef de chacun deſdits greniers, ſoit de diſtribution ou depoſt, & ne ſeront ouuerts que luy ou ſes commis preſens, aux iours & heures accouſtumées, ſuiuant les reglemens ſur ce, cy-deuant faiſts pour par eux receuoir leſdits droicts, ainſi qu'il eſt dit cy-deſſus, & aſſiſteront à toutes les deſcences, diſtributiōs & releuemens du ſel qui ſe feront dans les greniers & lieux de depoſt, & en feront regiſtre comme les autres officiers.

IX.

Pourra ledict Dugoune aſſocier qui bon luy ſemblera au preſent bail, ſoient nobles ou de nos officiers autres que nos officiers des greniers à ſel, & Threſoriers de France, ſans que pource leſdits nobles facent acte deſrogeant a Nobleſſe, nonobſtant les anciennes Ordonnances, dequoy nous les diſpenſons pourra auſſi ceder le bail pour partie d'ice-luy, ſoit par greniers, ou generalitez, a telles perſonnes, prix charges & conditions que bon luy ſemblera.

X.

Ledit preneur ſes ceſſionnaires, perſon-

niers & associez tiendront lesdits greniers bien & deuement fournis de sel, durant le tēps de ce present bail pour trois mois apres iceluy expiré, & sera le sel égoutté & reposé esdits greniers, auant que d'estre mis en vente, à scauoir six mois en temps de paix, & trois mois en temps de guerre: les dispensant toutesfois pour la premiere annee du depost & repos du sel, attendu la briefueté du temps qui reste pour fournir, & qu'il y a plusieurs greniers des fournis à cause des troubles suruenues en ce Royaume, & des basses eaux qui pourront arriuer durant l'Esté de la presente annee, & sera le sel mis en depost & salorge estime, tel que s'il auoit reposé au grenier de vente.

XI.

Payera ledit Dugoune sur le prix de marchand, les gages ordinaires des officiers desdits greniers & chambres, anciens & alternatifs qui sont a present pourueus & receuz & non autres, ainsi qu'ils ont esté payez par lesdits Iosse, Moisset & Robin, en exerçant leurs charges en personnes, suiuant nos ordonnances, & non les triennaux, pour lesquels nous laisserons le fonds es mains dudit Dugoune, comme au semblable payera les autres droicts deuz ausdits officiers pour les descentes, releuemens, enuois de sel rescriptions & autres qui regardent le fournissēmēt qui leur sont attribuez par les ordonnances tant anciennes que modernes, & non les attributions qui ont esté faictes ausdits officiers desdits

desdits greniers pour leurs droits de biller & autres depuis le mois d'Aoust 1581. sur le sel qui se vent esdits greniers ; lesquels droicts & attributions seront leuees & receues par lesdits officiers a la vente & distribution de sel esdits greniers sur le peuple, ainsi qu'ils font a present : & où il arrieroit vacation par mort d'aucuns desdits officiers les gages des decedez dont ils iouyissent a present, appartiendront audit preneur, depuis le iour du deceds, iusques a la prise de possession.

XII.

Pourra ledit Dugoune commettre telle personnes qu'il aduifera, en tous les lieux des emboucheures des riuieres, pour avec nos officiers assister aux mesurages des emboucheures, signer les certifications & breuers, pour seruir a la conduite du sel. Pourront aussi lesdits commis respectiuelement assister aux descentes releuemens & allegemens du sel, avec les officiers desdits greniers, qui seront tenus les y faire appeller ; & leur communiquer les rescriptions que doiuent apporter les voituriers, ausquels nous defendons tres-expressément, & a toutes autres personnes de quelque estat, qualité & condition qu'ils soyent, de vendre, ny debiter aucun sel, hors, bord, ny hors nosdits greniers, a peine de punition corporelle.

XIII.

Seront gardez & obseruez en l'estendue de tous lesdits greniers, les reglemens portez par les ordonnances, faictes tant par nos predecesseurs, que nous sur le faict de la gabelle, mesme le reglement par nous faict au mois de Februrier 1615. lequel nous promettons audit Dugoune, iceluy

faire verifier en nos Cours des Aydes de Paris & Rouen, & Parlement de Bourgogne, sans aucunes, modifications, ny restrictions, & pour cet effect en seront toutes lettres, commissions & iussions expediees audit Dugoune.

XIIII.

Les Grenetiers & Controolleurs desdits greniers cognoistront en premiere instance de l'entretenement du present bail, contrauention à iceluy, abus, larcins & tous autres differens qui procederont a cause des gabelles, en quelque sorte & maniere que ce soit, mesmes de toutes les plaintes & accusations qui pourroient estre faictes contre les commis dudit preneur, Archers & autres employez au fait des recherches, & par appel nos Cours des Aydes chacune en son ressort, sans que nos Cours de Parlemēt, Châbres de nos Comptes Presidiaux, Preuosts, Iuges, leurs Lieutenants & autres quelconques en puissent prendre aucune Cour, iurisdiction ne cognoissance: Ce que nous leur defendons a peine de nullité & cassation de procedures, & faisons defences aux parties de se pourueoir ailleurs que pardeuant les officiers desdits greniers, & en ladite Cour des Aydes, sur peine de quinze cens liures d'amende, & de tous despens, dommages & interests dudiect Dugoune.

XV.

Seront au plustost que faire se pourra reglées les mesures tant des mesurages que desdits greniers, afin d'y rendre vne egalité, & empescher par ce moyen les grandes fraudes & abus qui se commettent aux enuoy, descentes, releuemens

ventes du sel & dechet extraordinaire , mesmes les poix establis ausdits mesurages, deposts & greniers s'il est trouué facile , & le sel baillé au peuple par poix , a raison de cent liures pesant par minot , qui est le poix qu'il doit peser par les anciennes ordonnances , conformément audit reglement du mois de Feburier , mil six cens quinze. Voulant conformément ausdites ordonnances anciennes , que les voituriers & officiers desdicts greniers chacun en son esgard , soient tenus & responsables des dechets qui se trouueront tât a la descente qu'a la vente , outre le muid la mine deffendant tres-expressement a nosdits officiers de faire aucune recoupe au mesurage dudit sel , soit a la descente , ou a la vente , ny deliurer ou permettre qu'il soit deliuré aucune mesure comble a quelque personne que ce soit , sur peine de concussion , & de mil liures d'amende.

XVI.

Pourra ledit preneur ses commis & sous-fermiers a leurs perils & fortunes , & sans en abuser visiter ou faire visiter les chariots , charettes & cheuaux de somme allants & venans nauires & basteaux montans & baissans , vuides ou chargez pour cognoistre s'il y aura quelque sel non gabellé & caché en iceux ou meslé sous quelque marchandise , & s'il s'en trouue contre les ordonnances , sera procedé a la confiscation tant desdites charettes , chariots , cheuaux , basteaux , que marchandises , sous lesquels ledict sel se trouuera , & ce par les grenetiers & Contrerolleurs desdicts greniers , nostre procureur & ledit preneur ou ses commis & associez ouys.

Seront tenus les officiers desdits greniers, faire les perquisitions & recherches en l'estendue de leursdits greniers, toutesfois & quantes qu'ils en seront requis par ledit preneur ou ses commis & associez; & sera loisible & permis audit preneur, prendre tels desdits officiers que bon luy semblera pour faire lesdites recherches, soit qu'ils soient en exercice ou hors d'iceluy, & ou il se trouuera du faux sel, ou autres choses, contreuenante aux ordonnances desdits gabelles, nous le subrogeons en nostre lieu, pour prendre à son profit toutes les confiscations, amendes & restitutions de nos droicts de gabelles qui seront jugees sans aucunes reseruer. Voulons & ordonnons que les sentences des officiers, non excédans la somme de dix liures soyent executées nonobstant oppositions ou appellations quelconque, & sans prejudice d'icelles, & sans que les parties soyent receues appellantes en nostre Cour des Aydes, sinon apres auoir fait apparoir du payement des amēdes, non excédās la somme de dix liures Enjoignant à nos officiers de proceder incessamment & sommairement au jugement desdits procez, sans prendre aucune vacation ny espiçes & ne se prendra le droit du denonciateur que sur le prix du marchand seulement, dautant que ledit preneur est tenu de nous faire valloir nos droicts de gabelle, sans que d'oresnauant lesdits officiers ou autres iuges puissent appliquer lesdites amendes & confiscations, ou partie d'icelles à autre effect, qu'au profit dudict adiudicataire ny les faire recepuoir par autre, que par luy ou ses

cōmis, à peine de les repeter sur eux en leurs propres & priuez noms, & ce nonobstāt toutes modifications de nos Cours des Aydes, lesquelles nous voulons estre leuées, & ostées, & pour cet effect, toutes lettres, & iussions expediees audit Dugoune.

XVIII.

S'il aduenoit que par guerre ou hostilité, les emboucheures des riuieres fussent saisies, ou quelques villes ou il y a grenier a sel, ou l'une d'icelle fut prise & occupée par les ennemys, & que par ce moyen ledit Dugoune ou ses commis fussent empeschés a la perception & recepte desdits droits de gabelle & impositions a luy presentement delaissez, & que les deniers de nos droicts prouenās de la vente du sel feussent pris par violence de guerre ou troubles, ou qu'il aduint peste guerre ou famine, Nous esdits cas promettons audiēt Dugoune luy desfalquer la perte qu'il aura receuë, a cause desdits empeschemens & occupations, & le desdommager & descharger au prorata de la noniouissance sur les deniers qu'il nous doit fournir a nostre espargne, a cause de la presente ferme verification prealablement faicte.

XIX.

S'il aduenoit aussi que voiturant & transportant les deniers de lieux a autres entre deux soleils ils fussent vollez par les champs, ou que les conducteurs estans retirez en l'hostellerie fussent forcez, ou qu'autrement lesdits deniers fussent vollez sans la faute dudiēt Dugoune ou ses Commis, en ce cas luy sera faict droit, ainsi qu'il est accoustumé faire pour nos autres deniers ordi-

naires , & luy seront deduits lesdits deniers dont il aura esté vollé surce qu'il doit fournir en nostre espargne , a cause du present contract.

XX.

En tous lesquels cas de non-jouissance vol de deniers , & autres cas cy deuant declarez , & en chacun d'iceux surseoiront les contraintes de nostre part a l'encontre dudit Dugoune , ses pleges & cautions iusques a la concurrence des sommes a quoy ils se trouueront monter.

XXI.

Si durant le present bail il aduenoit telle guerre, par mer ou par terre , que les marais fallans de ce Royaume , fussent occupez par les ennemis , ou les villes estant pres des emboucheures , & entrées des riuieres , ou sur le cours d'icelles prises & detenues par hostilité , de façon que le nauigage & conduite du sel , & fournissement des greniers en fussent empeschez : en ce cas ledict Dugoune , ses cautions & associez qui receuront ledit empeschement , presenteront requeste afin d'estre deschargez de ladite fourniture & ferme de nosdits droicts , pour les lieux & greniers ou aduiendroit ledit empeschement , laissant neantmoins les greniers fournis pour six mois , dont il receura son prix de marchand , & pour le regard de nosdits droicts , les payera au prorata de la vente qui se fera par chacun quartier.

XXII.

Si durant la iouissance du present bail il aduenoit cherté , ou penurie de sel aux marais fallans de ce Royaume , ledit Dugoune presentera requeste au conseil , a fin qu'il luy soit permis &

a les associez d'aller ou enuoyer hors le Royaume faire tel achapt de sel qu'il leur sera besoin pour ledit fournissement.

XXIII.

L'impôst du sel sera continué és lieux ou il est de présent estably, sans aucune diminution : & aduenant que fissions quelque diminution la valeur d'iceluy luy sera deduite sur le prix de sa ferme, sans qu'il luy soit besoin d'autres lettres que le present article qui luy seruira d'etiére descharge, nous reseruant à nostre Conseil la cognoissance dudit impôst, & icelle interdisant a tous nos autres iuges.

XXIIII.

Seront tenus les officiers desdits greniers d'assister aux descentes, & aux ventes & distributions du sel, aux iours & aux heures accoustumées suyuant les ordonnances : à scauoir depuis sept heures du matin en Esté, & huit en Hyuer iusques a vnze heures, & recommencer a vne heure apres midy, iusques a six heures en esté, & cinq heures en hiuer : en sorte que du moins il se mesure douze muids par iour avec vn minot, & ausdites heures se pourront commencer lesdites descentes, mesurages, & contremesurages, en presence d'un seul officier, sans estre tenu d'attendre les autres, & sans qu'ils puissent pretendre autres droits pour leurs vacations & assisances ausdits mesurages & descentes, que ceux qu'ils leur sont attribuez par lesdites ordonnances, mesmes feront charger & descharger le sel que les batteliers & charretiers ameneront, si tost qu'ils seront arriuez, & a toutes heures, sans les faire seiourner ny retarder

pour quelque cause & occasion. que ce soit, à peine de tous despens, dommages & interrests, tant desdits voicturiers que dudit preneur, sur celuy ou ceux qui seront cause dudit retardement, lesquels seront assignez par le premier sergent sur ce requis, en nostre Cour des Aydes, pour la liquidation desdits despens, dommages & interrests, en vertu & sur l'extraict du present article, sans qu'il soit besoin d'autre commission.

XXV.

Et pource que les mesureurs & porteurs du grenier à sel de Rouen, lesquels traouillent à la descharge des nauires, & heulx charges de sel qui arriuent deuant le Quay de ladite ville, pour le fournissement des greniers à sel des generalitez cy dessus dependans du bail general des gabelles commettent iournellement de grands abus au fait desdits mesurages, en ce que par la conuiuance & intelligence, que lesdits mesureurs & porteurs ont avec le maistre des batteaux & nauires qui chargent & deschargent deuant ledict Rouen, rendent la mesure plus forte ou plus foible à l'adiudicataire qu'ils doiuent, & selon qu'ils sont appointez par lesdits maistres des nauires & batteaux, & outre veulent obliger & forcer les adiudicataires pour leur bailler leur mesure raisonnable, & ainsi qu'ils sont tenus par les ordonnances & reglemens de leur payer seize sols pour chacun muid; bien que par les ordonnances il ne leur soit accordé que huit sols pour muid, qui est moitié de plus. Nous desirant pouruoir & empescher lesdits abus, auons fait, & faisons deffences audiudicataire de leur payer plus que lesdits

lesdicts huit sols pour muid , & aux Maistres des nauires & bateaux , de leur bailler ny donner aucune chose lors de la charge & descharge de leurs nauires & bateaux , à peine de quinze cens liures d'amende, & en tous les interests que pourroit pretendre l'adiudicataire pour raison desdites conuiuences , & d'autant qu'à cause desdites deffences iceux mesureurs pourroient rēdre la mesure si petite audit adiudicataire qu'elle luy causeroit de grands dechets & pertes , & aussi qu'ils feroient tirer la descharge desdites nauires en grande longueur , qui empescheroit ledit adiudicataire de fournir ses greniers en temps & lieu ainsi qu'il y est tenu , N o u s auons ordonné que lesdits mesureurs & porteurs , à la premiere requisition qui leur en sera faicte de la part dudit adiudicataire trauailleront à la descharge desdits nauires , & qu'il feront comme de tout tēps ils ont faict 24. muids chacun iour à chacune charruē, A faute de quoy faire, & au premier refus qu'ils en feront , qui nous sera certifié par le premier de nos officiers du grenier de Roüen , ou des sergens d'iceluy , qu'il sera expedie commission à vn des Maistres des requestes de nostre Hostel , pour se transporter en ladite ville de Roüen , receuoir lesdites plaintes qui seront faictes contre les mesureurs & porteurs, & voir les informatiōs qui sont au greffe du grenier à sel dudit Roüen à l'encontre d'eux, pour raison des plaintes faictes à cause dudit mesurage, pour apres son rapport faict, estre procedé contre ceux qui se trouueront coupables par confiscation de leurs offices, payement du retardement

desdits Maistres des nauires & vaisseux, & de ou les despens, dommages & interests dudit adjudicataire, & autres plus grandes peines s'il y eschet.

XXVI.

Et parce aussi qu'il se commet plusieurs larcins par lesdits mesureurs & porteurs de sel, travaillans à la charge & descharge desdites nauires & batteaux tant en nos villes de Paris, Rouën, que autres lieux & endroicts, ou il se faict mesurage dudit sel, N o u s voulons qu'il soit procedé contre les coupables, tant par confiscation de leurs offices, amendes, que punition corporelles.

XXVII.

Payera ledict Dugoune, pendant chacune desdites sept années du present bail, la somme de cinq millions, sept cens soixante cinq mil cent quarante liures de quartier en quartier, & six semaines apres chacun escheu, tant pour la ferme de nos droicts de gabelle, creuës & augmentations, restablissement des cinquante sols pour minot, que pour lesdits trentes liures pour muid des emboucheures des riuieres de Seine & Loire & pour les nouueaux subsides de ladite riuiere de Loire, cinq sols, deux sols six deniers & douze deniers des Secretaires sur chacun minot, dont les fermes & receptes ont esté joinctes a nostre ferme des gabelles, tant par le bail dudit Robin qu'arrests & declarations subsequentes, & lesdits droicts incorporez à nos autres droicts de gabelle par l'affiche que nous auons enuyoyée pour la publication desdites fermes, expediee en nostre Conseil, le treziesme Aoust mil six cens quinze,

laquelle somme il payera tant és mains du Thre-
sorier de nostre Espargne, qu'és mains des Rece-
ueurs & payeurs des gages de nostre Cour de Par-
lement, Chambre des Comtes, grand Conseil &
Cour des Aydes de Paris, Receueurs & payeurs
generaux des rentes de nostre hostel de ville de
Paris & Rouën, assignées sur les gabelles, Rece-
ueur general des finances de Bourgongne & au-
tres que besoin sera, tant pour employer au paie-
ment des gages desdites compagnies & de nosdits
Secretaires & autres officiers, payement des ren-
tes desdites gabelles, charges de la Prouince de
Bourgongne, gaiges, augmentations & droicts
que nous auons attribuez à nos officiers, le tout
selon l'estat qui en sera dressé en nostredit Con-
seil dès le commencement du present bail deliuré
audit preneur.

XXVIII.

Et pour le regard du quartier de Iuillet de la
presente année, ledit Dugoune nous payera
nos droicts de gabelle, creuës & augmentations,
trente liure pour muid d'éboucheure & nouveau
subside de Loire, 5. sols, 2. s. 6. deniers, & 12.
deniers des Secretaires sur le mesme pied de la
vente de pareil quartier de l'année mil six cens
quinze, & sans toutesfois qu'il soit tenu de
nous tenir compte du reestablissement desdits cin-
quante sols pour minot, qui luy demeureront
pour les frais & establisement de ladite remise &
autres frais extraordinaires qu'il luy conuiendra
faire a cause de la briefueté du temps qu'il doit
entrer en la iouissance du present bail.

Sera tenu ledit Dugune payer & aduancer sur le prix du present bail és mains du Tresorier de nostre espargne , la somme de quinze cens mil liures, sçauoir dans quatre iours , a compter du iourd'huy la sôme de neuf cens mil liures, & les autres six cens mil liures à trois payemens égaux de deux mois en deux mois apres la verification du present bail , és compagnies où besoin sera, & encores d'aduancer pareille somme de quinze cens mil liures au premier iour d'Octobre mil six cens dix neuf, lesquelles sommes qui seront ainsi aduancees par ledit Dugune luy seront deduites sur le prix de ladite ferme pendant le courant des six premieres annees de son bail , esgalement de quartier en quartier , qui est la somme de cinq cens mil liures par chacune desdites annees.

XXX.

Sur lesquelles sommes nous promettons audit Dugune , que iusques à ce que l'establisement du prix dudit sel soit fait avec lesdits cinquante sols pour minot , qui ont esté cy deuant diminuez , & que ledit Dugune en puisse iouyr paisiblement, ce qui manquera d'estre leué lesdits cinquante sols pour minot de sel dans les greniers dependans de ladite ferme sera deduit, audit Dugune sur le prix cy dessus, a compter dudit premier Iuillet prochain qu'il entrera en iouyssance de son dit bail , iusques au iour que ladite leuee commencera en chacun grenier , & ce sur le pied des ventes qui se feront esdits greniers , depuis le iour que le bail commencera iusques au iour qu'il leuera iceux cinquante sols pour minot de sel suiuant les certificats des offi-

ciens desdits greniers que ledit Dugoune sera tenu de rapporter.

XXXI.

Et de tous les payemens que ledit Dugoune fera tant en nostre espargne qu'a ceux a qui il luy sera ordonné par nostredit estat, il sera tenu de rapporter en nostre Chambre des Comptes, les acquits & quittances necessaires a nostre descharge, d'année en année, six moi. apres chacune expirée, sans toutesfois que ledit Dugoune soit tenu de compter des gaiges des officiers desdits greniers.

XXXII.

Ledit Dugoune ne sera tenu de bailler caution pour l'entretenement du present bail, attendu l'aduanee de quinze cens mil liures qu'il est tenu faire, comme il est dit sur l'article vingt-neufiesme, si ce n'est pour le payement des rentes.

XXXIII.

Nos amez & feaux Conseillers, Notaires & Secretaires de nostre maison & Couronne de France, & autres qui ont leurs priuileges verifiez, iouyront de l'exemption du droit de gabelle, & augmentations mises & a mettre pour le sel de leur prouision, suiuant leurs priuileges & reglemens de la Cour des Aydes. Voulans que tous priuileges & exemptions obtenues par qui que ce soit de nos subiects, pendant & depuis le bail fait a Maistre Iean de Moisset lesquels ils ont fait verifier en nos Cours des Aydes par consentement des adiudicataires soubz contre promesses qu'ils leurs ont baillées de ne s'en seruir durant leurs baux & autres pactions par eux

faites avec lesdits adiudicataires, n'auront aucun lieu, & seront tenus ceux qui ont obtenu lesdits priuileges, payer nos droicts de gabelle & autres impositions qui se leuent és greniers dont ils sont ressortissans, ainsi que nos autres subiets desdits greniers, nonobstant lesdits priuileges & sans que nosdits officiers desdits greniers y puissent auoir aucun esgard. Ce que nous leur defendons tres-expressement, a peine d'en respondre en leurs propres & priuez noms : & de tous les despens, dommages & interests dudit Dugoune, & où nous accorderions cy apres à qui que ce soit, aucuns priuileges & exemptiōs, la valeur en sera deduite & rabatue audit Dugoune sur les deniers de sadicte ferme.

XXXIIII.

Sera estably tel nombre d'Archers & Gardes qu'il sera necessaire, pour empescher le cours de faux-fauniers, & faire les captures & arrests des vaisseaux, harnois, cheuaux, charettes & marchandises meslees avec du faux sel. Pourrōt aussi faire lesdites Gardes visites és maisons des reuendeurs de sel, Charcutiers, Tauerniers & autres, sans estre tenus y appeler les officiers desdits greniers, ny prendre aucun mendment d'eux pour cest effect, & ce sans en abuser, & a la charge de presenter le tout aux officiers des greniers, dans le ressort desquels lesdits captures auront esté faictes pour en faire la punition selon la rigueur des ordonnances, conformément aux reglemens faits pour la Normandie, le 30. Mars mil six cens, & six cens dix, lesquels gardes & archers pourront porter toutes sortes

d'armes offensives & defensives , faisans le deu de leurs charges seulement, nonobstant les defences sur ce faiçtes, & afin qu'ils soient recongneuz porteront casaques de telle couleur avec telle deuise qu'il nous plaira.

XXXV.

Les Preuosts des Mareschaux & leurs Lieutenans pourront par preuention auoir cognoissance contre les faux sauniers , a la charge toutesfois de iuger les procez avec les officiers du grenier, sur le ressort duquel les delinquans seront apprehendez le Commis dudit Dugoune appellé suiuant ledict reglement du trentiesme Mars mil six cens dix, & seront lesdites sentences rendues au nom desdits officiers, si ce n'est que lesdits faux sauniers fussent preuenus d'autre cas preuostaux : quoy faisant, ils seront iugez preuostablement suyuant les ordonnances.

XXXVI.

Ne sera ledit Dugoune, ses associez, cautions, certificateurs & Commis, pour le temps du present bail, durant ny apres iceluy, inquietez ny recherchez pour raison des deschets, tant par eau que par terre, du sel qu'ils feront mener & conduire esdits greniers, imposans sur ce silence à nostre Procureur general, ou ses Substitus presens & aduenir.

XXXVII.

Ne sera aussi tenu bailler cautions aux emboucheures ny entrees des riuieres durant le temps de ladite ferme.

XXXVIII.

Tous peages & droits qui se prennent sur le sel

par quelque personne & occasion que ce soit, seront payez en deniers, mesmes les droits des courtiers & briseurs de Paris, droit de vidame à Pequigny & autres semblables droits, selon l'eualuation qui en a esté faicte par Edict du mois de Mars 1546. & arrest de la Cour des Aydes du iour de Decemb. & pour les peages qui restent à regler par ledict Edict, seront eualuez au prix que le sel peut reuenir au marchand rendu aux lieux ou se leuent lesdits peages, par Commissaires qui seront par nous a ce deputez & non suiuant le prix de marchand; d'autant que sur iceluy sont prins les gages des officiers, louages des greniers faute de fonds & autres charges & ne pourront les Seigneurs & autres pretendans lesdits peages, les prendre en essence de sel, ains en deniers suiuant lesdites eualuations qui en ont esté & seront faictes nonobstant quelcôques Arrests qui pourroient auoir esté obtenus au contraire, & se prendra ledit peage sur le bateau maire seulement, sans rien prendre sur les alleges, & sera reputé le bateau maire, celuy qui sera nommé & contenu aux breuets & rescriptions des officiers des emboucheures & entrées des riuieres, promettant audict Dugoune faire verifier en nos Cours des Aydes le present article purement & simplement sans aucunes modifications ny restrictions, & luy en faire expediertoutes iursions & lettres necessaires, sinon luy deduire la perte qu'il pourroit souffrir, faute de l'accomplissement dudit article sur la somme qu'il est tenu payer en nostre Esparagne, attendu les grands abus qui se commettent par ceux qui pretendent lesdits peages a la perception

ception d'iceux, & les vols & larcins des voituriers sous la couverture du payement desdicts peages.

XXXIX.

Faisons defences tres-expresses à toutes personnes de quelques qualité & condition qu'ils soient, Gouverneurs, Lieutenans, Capitaines, Gardes des ponts & passages, officiers desdicts greniers & autres generallyment quelconques, de prendre & faire prendre sur le sel passant, ou qui descend, aucune quantité de sel en espee pour quelque cause & occasion que ce soit: ny prendre & exiger aucun argent des mariniers & conducteurs, à peine de concussion. Enjoignant aux officiers de nos greniers chacun endroit soy d'informer des contrauentions au present article, & faire & parfaire le procès aux coupables, ou enuoyer les informations en nostre Cour des Aydes ainsi qu'ils en seront requis par ledit preneur.

XL.

Pourra ledit Dugoune faire mettre en deposit au Havre de grace, Caën, Dieppe, Honnefleury, Fescamp, Chaudebec, Rouën, Paris. Esperuay, Chaalons, Velly, Creuant, saint Lo, Valery sur Somme, Amiens, Nogeant sur Seine, Digouyn, Blois, Baugency, Orleans, & autres lieux qui luy seront plus commodés, telle quantité de sel qu'il verra bon estre, pourueu que la descente soit faicte en la presence de nos officiers & que ledit sel demeure sous leur garde, auxquels lieux & deposits lesdits officiers assisteront quand besoin sera & a toutes heures, sans aucuns salaires sinon, ceux qui leurs sont attribuez par

nos ordonnances, & feront incessamment charger & descharger quand requis en seront, les nauires & bateaux, charettes & cheuaux au iour qu'ils se presenteront, & pour qu'ique quantité que ce soit, les expedieront incontinent, & le cas aduenant que mal-aysement les bateaux peussent aborder aux ports accoustumez, au moyen des basses eaus, ou autrement, seront tenus lesdits officiers y assister pour faire charger les charettes lors que besoin sera sans pour ce pretendre aucun salaire, pourueu que le lieu ne soit distant du port accoustumé que d'une lieue, & seront les rescriptions baillées par les officiers des emboucheures des riuieres adressantes aux officiers desdits greniers de depost, pour estre le sel par eux enuoyé aux greniers desquels le fournissement se fait par lesdits deposts au temps & ainsi qu'il sera beioin, sans que ledit preneur soit tenu de declarer, ny faire inserer dans lesdites rescriptions, en quels greniers le sel doit estre particulierement enuoyé pour estre debité, pour euitier a confusion, le chargeant neant moins de rapporter aux officiers des emboucheures les certifications de la descente du sel faicte esdits greniers de depost, suiuant nos ordonnances.

XLI.

Et pource qu'il y a plusieurs greniers & chambres a sel qui sont esloignees des riuieres, & qu'il est besoin faire voiturer le sel par charrois, qui les obligeroit par ce moyen a faire vn second mesurage esdits greniers qui ne sont que formalitez qui causent de grands dechets, Nous auons permis & permettons audit preneur, ses associez, &

commis de conuenir & accorder de gré à gré avec les officiers desdits greniers pour lesdits dechets, iusques a la vente, sans qu'il soit besoin refaire le-
dit mesurage.

XLII.

Permettons audit Dugonne & ses associez faire le fournissement desdits greniers & chambres par telles riuieres & endroits que bon luy semblera, en payant les droicts accoustumez qui nous sont deubs sur lesdits riuieres & lieux ou ils feront lesdites voitures & autres droicts anciens & accoustumez.

XLIII.

Payera en broiage vingt cinq sols pour muid de sel seulement de ce qu'il voudra enleuer & faire enleuer des marais dudit lieu, pour le fournissement desdits greniers & chambres, nonobstant les baux qui en pourroient auoir esté ou seront faits au contraire.

XLIII.

Ne sera tenu ny tes associez & commis, prendre congé des Gouverneurs, Admiraux, Vice-Admiraux, ny autres pour le partement des nauires qu'ils fecteront pour charger le sel tant en ce Royaume que hors d'iceluy, pour apporter en nos ports & hautes pour le fournissement desdits greniers, & suffira seulement l'extraict du present article.

XLV.

Les Ballifs & Senechaux, leurs Lieutenans & tous autres nos officiers & iuges, seront tenus faire deliurer audit preneur, les associez & commis, des charrois, bateaux, & gabarres necessaires pour la voiture dudit sel a la premiere requisition

qui leur en sera faicte, & y feront contraindre les voituriers, charretiers & autres qu'il appartiendra, nonobstant oppositions ou appellations quelconques, en payant de gré à gré ou suivant la taxe qui en sera faicte par nosdits officiers, ayât esgard aux prix que l'on paye pour la voiture d'autres marchandises, le tout à peine d'en respondre en leurs propres & priuez noms, des dommages & interests dudit preneur, & de la perte de nos droicts. XLVI.

Les deniers reuenans bons du payement des gages des Presidiaux, Preuosts des Mareschaux ou autres leuees extraordinaires qui se font sur le sel, seront principalement employés à la réparation des chemins, par lesquels se font lesdites fournitures & charrois de sel, & se trouuant fonds de ladite nature de deniers, mandons aux Tresoriers generaux de France, en chaque generalité, & officiers de nosdits greniers, les faire employer à ladite réparation, & qu'ils facent contraindre tous Recepueurs de vider leurs mains desdits deniers quand besoin sera.

XLVII. Les greniers & chambres dependans d'iceux demeureront establis, comme ils sont à presant pour y vendre le sel en la maniere accoustumee, & seront tenus les ressortissans en chacun d'iceux y prendre le sel necessaire pour leur prouision, sur les peines portées par les ordonnances. Toutesfoi si aucuns desdits greniers & chambres ont esté delaissez pendant les troubles pour n'y auoir leureté, ou que les lieux ou sont à presant lesdites chambres fussent trouuées incommodes,

ledit preneur les pourra faire transferer en autres lieux plus commodes du ressort, & luy en seront toutes lettres sur ce nécessaires expedies.

XLV II.

Pour éviter aux excuses que prennent malicieusement les regrattiers de tenir registre sur ce qu'ils disent ne sçavoir escrire, seront tenus lesdits regrattiers qui diront ne sçavoir escrire, avoir deux tailles tirees l'une de l'autre pour chacun des habitans de leursdites parroisses qui prendront d'eux sel par regart, sur lesquelles ils feront escrire le nom de celuy pour qui ladite taille servira, dont l'une demeurera par devers ledit regrattier, & l'autre par devers celuy qui prendra ledit sel, à un costé desquelles tailles ils marqueront les pintes, à un autre les choppines, & à un autre les demy-seliers de sel prins par chacun desdits habitans, & seront tenus faire autant desdites marques sur les tailles d'iceux habitans pour estre icelles veues & confrontées par les officiers desdits greniers ou commis dudit Dugoune lors que l'on procedera aux recherches, & lesdits habitans des parroisses prenants sel desdits regrattiers tenus à mesure qu'ils en prendront, le faire marquer sur lesdites tailles, à peine de dix liures d'amande pour chacune fois qu'ils y manqueront.

XLIX.

Quant à nos sujets qui au lieu de prendre le sel, qui leur est necessaire outre leur impost ausdits greniers, le prennent des faux-sauniers, enjoignons aux assesseurs dudit impost, de faire inscrire es roolles du departement d'iceluy, outre les noms de chacun chef d'hostel, le nombre à quoy

ils sont cottisez audict impost, quel nombre de personne cy a chez-eux, jusques à l'âge de sept ans & au dessus, soit en fêmes, enfans, leuueurs, seruantes, & autres personnes trauailâs en leurs mailons, & quelles sommes, ils portent de taille ordinaire, pour recognoistre ceux qui cōtreuendront aux ordonnances, & que venans faire verifier leursdits roolles de l'impost par les officiers des greniers, ils apportent vn double d'iceluy és mains du commis dudit preneur. L.

Et pour remedier aux grandes plainctes qui nous sont ordinairement faictes de la part desdits adiudicataires, de la perte & diminution qu'ils souffrent en nosdits droits, à cause des abus & maluersations qui se commettent tant par nos officiers, que par le peuple, comme aussi pour obuier aux indéues recherches qui se pourroient faire sur ledit peuple par lesdits officiers, à la diligence dudit adiudicataire ou de ses commis, enjoignons ausdits officiers de vaquer soigneusement & fidellement au faict de leurs charges, faire obseruer, & obseruer en leur regard les Edits, Ordonnances, Arrests de la Cour des Aydes & reglemens faicts sur les gabelles, & notamment celuy par nous faict au mois de Feburier 1615. & afin de pouuoir cognoistre plus facilement par lesdits officiers, ceux qui auront manqué à prendre sel en leursdits greniers pour la prouision de leurs maisons, gens & familles, & contreuenir aux ordonnances desdites gabelles, ils fassent registres diuisez par paroisses distinctes & separees l'une de l'autre, sous le tiltre de laquelle paroisse ils escriuent à chacune ouuerture de grenier, le

nom de celuy qui prendra du sel, & s'il est regrattier le coteront a costé du dict registre, & audit preneur de bailler ou faire bailler par le cōmis en chacun grenier, a ceux qui prendront du sel en leur grenier vn billet contenant le nom & surnom, la parroisse d'où ils sont, la quantité du sel qu'ils prendront, & le iour qu'ils le leueront au grenier, lequel billet ils signeront & parapheront, & les feront imprimer si bon leur semble pour plus grande facilité, comme au semblable ils feront ausdits regrattiers: affin que procedant par lesdits officiers ausdites recherches, ceux qui auront pris sel ausdits greniers, le puissent iustifier par la representation desdits billets, ou des tailles, pour le sel qu'ils auront pris desdits regrattiers, lesquels officiers sur la representation desdits billets ou tailles, jugeront si chacun particulier aura pris suffisamment du sel pour la prouision de sa maison & famille, & justifieront lesdits billets & prise de sel sur leurs registres, & lesdites tailles sur celles qui sont par deuers lesdits regrattiers: comme aussi ils verront si la vente faicte par lesdits regrattiers & portée par lesdites tailles, n'excèdera le nombre du sel, que leuidits regrattiers justifieront par leurs billets & registres des officiers, auoir pris ez greniers, pour en cas d'abus & contrauention estre procedé par lesdits officiers à l'encontre des contreuenans qui auront vsé de faux sel, suyuant la rigueur de nos ordonnances.

LI.

Ne pourront les officiers desdits greniers juger aucun naufrage de sel, se transporter au lieu où il sera arriué, ne faire aucuns allegemens, sans

que ledit preneur, ses associez ou commis, soient present ou appelez, à peine de faux, & sera le sel restant desdits naufrages remesuré a l'instant, à fin de verifier au vray la perte dudit naufrage, & se juger sur le champ, sans plus le faire par estimation, & se fera ledit mesurage aux despens des mariniens.

LII.

Et d'autant que sous couleur des aumosnes que les maistres des nauires & voituriers qui menent & font voiturier les moruës & autres poissons sallez, tant à Roüen, Paris qu'autres lieux, disent faire aux hospitaux, & Eglises, colleges & autres, du sel qui se trouue au fonds des nauires & bateaux, apres que ledit poisson en est enleué, il se commet de grands abus, N o u s faisons defences tresexpresses aux marchands, leurs facteurs, maistres des nauires & mariniens, de plus a l'aduenir faire la descharge dudit poisson, qu'en la presence des officiers des greniers, dans le ressort desquels elle se fera, ensemble dudit preneur ou ses commis, pour voir & recognoistre la quantité du sel qui sera parmy ledit poisson, & si ce qui y est se trouue bon, pur & net, sera mis dans le grenier pour y estre vendu en la maniere accoustumée: mais s'il est ord & immonde, ou qu'il ayt seruy audit poisson, sera jetté en la mer ou riuieres, aux despens des maistres des nauires & bateaux, ausquels ledit sel aura esté trouué, & en cas de contrauention seront lesdites marchandises, nauires & bateaux confisquezz, & les contreuenans condempnez en trois cens liures d'amande.

LIII.

Et d'autant que la plus part dudit poisson sal-

lé, se vend en gros, par les marchans des salines
aux reuendeuses & detallereffes, avec lequel se
trouue grande quantité de sel qu'ils vendent, dō-
nent, ou autrement en disposent aux bouchers,
faiseurs de sel blanc, charcutiers, tauerniers & au-
tres personnes qui en vsēt à faller de la chair, des
cuirs ou autrement contre nos ordonnances.
Nous voulons & entendons conformément a
icelles que tout ledit sel qui aura seruy aux salai-
sons dudit poisson, soit jetté en la riuiera inconti-
nent apres que ledit poisson aura esté tiré des ba-
rils, embours ou autres vaisseaux, avec deffences
ausdits marchans & detallereffes de faire ouuer-
ture desdits barils embours ou autres vaisseaux
où sera ledit poisson, sinon en la presence de l'un
des commis dudit Dugoune ou archers: de ven-
dre, donner ou autrement disposer du sel, à peine
de cinq cens liures d'amende, & de punition cor-
porelle s'il y eschet: Enjoignant aux marchans
vendeurs de salines tant en gros qu'en detail, de
montrer & representer aux commis dudit Du-
goune, gardes & archers, à toutes heures qu'ils
en seront requis, les registres sur lesquels ils escri-
uent ou doiuent escrire les noms, surnoms, & de-
meures de ceux ausquels ils aurōt vendu le pois-
son en baril: Lesquelles gardes pourront entrer
toutesfois & quantes & sans en abuser, és maisōs
où il y aura desdites salines pour faire la recher-
che dudit faux sel, appellé vn officier du lieu, ou
en defaut vn des plus proches voisins sans estre
pour ce regard tenus prendre aucun mandement
de nosdits officiers: & où il se trouuera dudit faux
sel, voulons iceluy estre ietté dans l'eau en la pre-

sence de celuy ou ceux sur qui il aura esté saisi, & eux condamnez en cinq cens liures d'amende pour la premiere fois, & punitiō corporelle pour la seconde. Voulons le present article & le precedant, estre verifiez purement & simplement par nostre dite Cour des Aydes, & iceux gardez & obseruez inuiolablement de poinct en poinct selō leur forme & teneur, attēdu la consequence d'iceux.

LIIII.

Ne pourra Maistre Thomas Robin ny ses sous-fermiers, vendre leur sel entre cy & le premier iour de Iuillet prochain, à moindre prix que celuy qui se vend à present esdits greniers, ny moins en faire aucun prest, sur peine où il seroit par cy apres trouué qu'il y auroit commis quelque fraude, d'amende arbitraire, & de tous les despens, dommages & interests dudit Dugoune. LV.

Sera tenu ledit Dugoune de prendre le sel qui se trouuera esdits greniers appartenans audit Robin, Antoine Delalain & leurs sous-fermiers, en leur payant & remboursant l'achapt, frais & loyaux cousts, dont il conuiendront de gré à gré, ensemble les trenteliures du droit d'emboucheure, & les impositions de Loire pour la Bourgonne, ou ainsi qu'il sera arbitré par leur Conseil: desquels droits d'emboucheure & impositions de Loire qui seront, comme dit est, rébourfés ausdits anciens adiudicataires, ledit Dugoune se remboursera par chacune des quatre dernieres années de son bail esgalement. LVI.

Lesdites fermes du fournissement general de nos greniers, celles de nos droits de vingt-quatre liures & parisis d'emboucheure des riuieres

de Seine & Loire, reuenant à trente liures pour muid, celle des nouueaux subfides de Loire, ensemble celle des cinq sols & 2. sols 6. den. dont iouyffoit cy deuant Maistre Charles Paulet, & à presēt ledit Delalaïn: & celle des douze deniers de nos secretaïres ne seront diuifées ny separées en quelque sorte que ce soit, pour les mettre en recepte, ou pour quelque autre plus grand aduantage qui se puisse presenter sans le gré & consentement dudit Dugoune: & au cas qu'il aduint par le moyen dudit consentement, ce sera à la charge de son desdommagement, & qu'il comptera en ce cas en la forme & ainsi qu'ont fait les precedans fermiers & adjudicataires de nosdits droicts, non autrement, & d'estre actuellemēt satisfait, & remboursé de ses aduances & interrests d'icelles, ensemble de ses frais ainsi qu'ils seront resolus & arrestez en nostre Conseil. LVII.

Et si pour raison de l'effect & execution du present contract, circonstances & dependances d'iceluy il suruenoit à l'aduenir quelque differend, soit à l'encontre dudit Dugoune, ses associez & commis, n'en sera fait aucune poursuite pardeuant Commissaires extraordinaires, ains renuoyez pardeuant les Iuges ordinaires, si ce n'est qu'en certain cas nous voulions euoquer à nous, & à nostre Conseil.

LVIII.

Ledit Dugoune ny ses associez & Commis, ne seront ores ny pour l'aduenir compris aux compositions & taxes qui se feront sur les officiers comptables.

Et pour la seureté dudit Dugoune, ses associez & Commis, & ceux qui les accompagneront, tant pour la recherche des faux - sauniers, que port & voiture des deniers du present bail, pourront porter toutes sortes d'armes offensives & defensives, sur l'extraict du present article, certifié dudit Dugoune, ou de ses associez, lesquels ou leurs Commis n'entendons d'estre contraincts, d'estre tuteurs ou Commissaires, pour quelques causes & occasions que ce soit, si ce n'est de leur consentement, & seront pareillement exempts de loger nos gens de guerre, gens de nostre Cour ou autres.

LX.

Les Commis qui seront enuoyez par ledit preneur aux greniers & generalitez du present bail, pour faire la recepte des deniers, ne seront cottisez & imposez aux tailles & subsides ordinaires & extraordinaires desdites villes, si ce n'est qu'ils y fussent domiciliez & cottisez auparavant leurs commissions, & ce durant le temps du present bail, & qu'ils seront employez à l'execution d'iceluy seulement, faisant deffences aux Assesseurs & Collecteurs de nosdites tailles & subsides de les asséoir, & contraindre au payement, à peine de tous despens, dommages & interests.

LXI.

Les Gardes & Controllours du mesurage estably à Nantes, ensemble les clerks d'iceluy mesurage feront & exerceront d'oresnavant leurs charges en personne audit mesurage, selon & ainsi qu'il est ordonné par leur creation, & autres reglemens qui sur ce seroient depuis interuenus,

sur peine de priuation de leurs gages & droicts.

LXII.

Et afin de remedier aux abus & maluersations que commettent ordinairement les batteliers & voituriers par eaue qui vont charger le sel à Nâtes, lesquels outre leurs breuets chargent grand nombre de sel en leurs bateaux qu'ils vendent le long de la riuere de Loire, aussi pour empescher ceux qui viennent charger sel audit lieu de Nâtes pour la fourniture de la Bretagne où nos droicts de gabelle n'ont cours, lesquels sous pretexte d'une procuration des habitans des paroisses, sans aucune prescription de la quantité de feux qu'il y peut auoir certifié par le Receueur des foüages, viennent prendre leur sel, lequel ou la plus part ils vont reuendre es greniers d'Anjou, Touraine, le Mayne & autres lieux limitrophes, qui rapporte vne tres-grande diminution de vente esdits greniers. Sera loisible audit Dugoune de commettre telle personne qu'il aduifera bon estre, au bureau de la Preuosté de la ville de Nâtes, pour assister à l'expedition des acquits & breuets de sel qui s'acquittera en ladite preuosté & iceux signer auant qu'ils soient deliurez aux voituriers ou procureurs desdites paroisses, auxquels ne sera deliuré plus grande quantité de sel qu'il ne leur en faut : & à ceste fin pourra ledit preneur establir tel nombre d'archers pour la conduite des bateaux chargez de sel qui monteront la riuere, & empescher ceux qui par terre transporteront le sel pour le vendre aux greniers du present bail.

Et ne pourront ceux du pays exempts des gabelles, ny ceux des autres fermes du sel, tenir salorges ny faire amas de sel à cinq lieuës pres des limites des greniers du present bail, sur les peines ordonnees contre les faux-sauniers, & pourront les Commis & Archers dudit preneur faire toutes captures dans l'estendue desdictes cinq lieuës, nonobstant tous priuileges & lettres à ce contraires, sans qu'il leur soit besoin d'autre commission quel'extraict du present article. LXIII.

Ceux du pays de Boulenois, Auchy, Montreuil, Estappes & autres lieux pretendans exemption de nos droicts de gabelle & priuileges du francallé, seront reiglez à ce qu'il ne soit descendu esdits lieux plus grande quantité de sel qu'ils en peuuent vser: La descente duquel, ensemble la distribution ne se pourra faire qu'en la presence des Commis dudit Dugoune, qui aura vne clef du grenier ou sellier où ledit sel aura esté mis: defendant à ceux desdits pays d'en distribuer en aucune maniere aux pays estrangers ou autres, quels qu'ils soient de ce Royaume, à peine de confiscation dudit sel, & de trois cens liures d'amende & priuation de leurs priuileges, & seront les y contreuenans directement appelez en nostre Cour des Aydes pour y estre fait & parfaict leur procès sur l'extraict du present article, sans autre commission: & sera le present article executé, nonobstant oppositions ou appellations quelconques, modifications d'iceluy en nostre Cour des Aydes, mesmes de l'arrest de nostre Conseil du vingt quatriesme Octobre, mil six cens douze, &

en seroūt toutes lettres necessaires expediees audit
Dugoune. LXV.

Ceux du pays de Rethelois ; pretendans semblablement exemption de nosdits droits de gabelles, seront tenus de prendre leur sel necessaire pour la fourniture dudit pays, ainsi & en la forme qui leur a esté prescrit par le reglement sur ce faict, & arrest de nostre Conseil du iour de mil six cens leur defendant tres-expressément de ne vendre aucun sel sur les limites de nos greniers sujets a gabelle, a peine de confiscation d'iceluy, de quinze cens liures d'amende pour la premiere fois, & punition corporelle pour la seconde, & de perdre leursdits priuileges.

LXVI.

Et afin de remedier aux abus qui se commettent par plusieurs Seigneurs, Abbayes, Monasteres, Eglises Collegiales & autres, sous pretexte de quelques dons & concessions qu'ils pretendent auoir de prendre le sel qu'il conuient pour leur prouision es pays estranges, N o u s leur faisons tres-expresses inhibitions & defences de plus faire amener & conduire en aucune maniere dudit sel estranger en cestuy nostre Royaume, lequel ils pourront vendre si bon leur semble esdits pays : leur enioignant de s'en fournir en nos greniers chacun en son ressort, & en payer le prix de marchand, & tous nos droicts, à peine de trois cens liures d'amende, & d'estre punis comme faux-fauniers, nonobstant toutes les concessions & arrests qu'ils pourroient auoir à ce contraires & derogans à iceux les auons reuoquez & reuoquons pour certaines considerations : & où pour ce su-

je & il pourroit suruenir quelque empeschement, oppositions ou instances, Nous voulons le tout estre renuoyé à nous & à nostre Conseil auquel enauons retenu & reserué la cognoissance, & icelle interdite à toutes Cours & iurisdicions quelconques.

L X V I I.

Tous ceux qui pretendent priuilege de faire venir du sel, par les riuieres de Seine & Loire aux pays redimez de gabelles, Abbayes, Chapitres & communautéz qui pretendent auoir droit d'en prendre aux greniers pour le prix de marchand, seront tenus, de presenter leurs priuileges, pour sur iceux avec cognoissance de cause estre lesdits priuileges reiglez ainsi qu'il sera iugé raisonnable par les Commissaires qui seront par nous deputez à cest effect, ou par les Thresoriers de France en chacune generalité, s'ils en sont requis par ledit Dugoune, à faute de représenter par lesdits pretendus priuilegez, leurs lettres & concessions desdits priuileges, ils en demeureront descheus & payeront nos droicts comme nos autres subiects.

L X V I I I.

Et d'autant que les officiers des mesurages & contre mesurages, trauersent iournellement les adiudicataires, fauorisent les voituriers desquels ils prennent argent pour leur faire faire de grandes mesures par les mesureurs & raddeurs de minot qui sont à leur deuotion, Nous permettons audit Dugoune, de rembourcer lesdits officiers mesureurs & raddeurs, ou tel d'iceux qu'il voudra, de la finance par eux payée en nos coffres & des-

desdommagement s'il y eschet, dont la liquidation se fera par lesdits Commissaires que nous deputerons à cest effect, sinon, par les Thresoriers de France en chacune generalité, au lieu desquels il fera pourvoir les personnes qu'il aduise, qui iouyront des gages & droicts attribuez ausdits offices.

LXIX.

Le reiglement fait pour ledit mesurage d'Ingrâde qui est maintenant estably, & qui se fera au pont de Cee au mois de Feburier, mil cinq cens quatre vingts dix neuf, sera obserué par les officiers dudit mesurage à peine de trois mil liures d'amende, de priuation de leurs gages, & de tous les despens dommages & interests dudit preneur pour la liquidation desquels ils seront assignez en nostre Cour des Aÿdes, par le premier Huissier, en vertu du present article, & sans autre commission.

LXX.

Des differés qui naistront entre ledit adjudicataire ses associez & commistant contre lesdits officiers voituriers, qu'autres où ils seront opposans, appellans, & prendront à partie lesdits officiers mesmes, pour condamnations qu'ils pourroient faire à l'encontre dudict Dugoune, ses associez & Commis, pour droicts par eux pretendus vacations ou autrement, iceux officiers ne pourront passer outre au preiudice de leursdites oppositions, appellatiōs, protestatiōs ou prise à partie, ains surseoiront l'execution des choses pour lesquelles naistront lesdits differends, iusques à ce qu'autrement en ayt esté ordonné par les iuges

ausquels ressortissent lesdictes appellations.

LXXI.

Auons pareillement permis & permettons audit Dugone, de commettre des regratiers en tous les greniers & chambres dependantes de son contract, pour faire la distribution du sel à petites mesures, & en tenir registres, suyuant les ordonnances, & ainsi qu'il est contenu en l'article quarante huitiesme du present bail, que nous leurenioignons obseruer de point en point selon qu'il est porté par iceluy, sans que pour ce il soit tenu, ny ceux qu'il commettra, en payer aucune chose aux officiers, & ce nonobstant qu'il en ayt cy deuant esté créé en tiltre d'office & heredité, lesquels pourront estre par luy & ses commis destituez en les remboursant de la finances par eux payée, au lieu desquels remboursez, en sera par ledit Dugone commis d'autres.

LXXII.

Et pour ce qui reste à reigler en ladicte ferme, pour la conseruation des droicts d'icelle, promettons audit Dugone luy faire expedier toutes lettres patentes & commissions pour ce requises & necessaires.

LXXIII.

Et en cas que dans deux mois, à compter de ce iourd'huy, ils se presentent personnes qui facent nostre condition meilleure d'une somme notable par chacune des sept années du present bail, comme cent mil liures au moins par an, il sera receu, en rendant, & payant comptant à vn seul payement audit Dugone dans huit iours apres l'offre qui sera faicte, ladicte somme de neuf

cens mill liures que ledict Dugoune est tenu ad-
 uancer dans quatre iours apres le present bail,
 & en outre la somme de deux cens mil liures à
 laquelle nous auons liquidé & arbitré ses frais
 & loyaux cousts, & pareillement luy rendre les
 obligations ou promesses qu'il aura faictes, à
 cause des six cens mil liures, restans des quinze
 cens mil liures de la premiere année: autrement
 & à faute de ce faire par celuy qui aura fait lesdi-
 ctes offres, il en sera descheu sans que luy ny
 autres personnes que ce soit y puissent par apres
 estre receus, & demeurera l'adiudication qui aura
 esté faicte, à celuy qui aura fait lesdites offres
 nulles & de nul effect, lequel neantmoins sera te-
 nu payer la sur-enchere qu'il aura faite par des-
 sus lesditis cinq millions sept cens soixante cinq
 mil cent quarante liures par an, & demeurera ledit
 Dugoune en pleine possession du present bail,
 sans que par apres il y puisse estre troublé pour
 quelque cause & occasion que se soit.

LXXIII.

Promettons en bonne foy & parole de Roy te-
 nir ferme & stable le contenu en ces presentes,
 sans souffrir qu'il y soit aucunement contreuenue:
 & à ceste fin, Mandons & ordonnons à noz amez
 & feaux Conseillers les gens de nos comptes à
 Paris, Dijon, Roüen, Cour des aydes audit Pa-
 ris & Roüen, & Tresoriers generaux de France
 esdits lieux, Chalons, Amyens, Caen, Soissons, à
 Orléans. Tours. Bourges, Moulins, & Blois, &
 à chacun endroict soy, que ces presentes ils veri-
 fient & facent enregistrer, & du contenu jouir
 & vser plainement & paisiblement, ledict Du-

goune, ses Commis cessionnaires personniers, & associez, faisans cesser tous troubles, & empeschemens au contraire, & à ce faire souffrir, & obeyr, Contrainent, ou facent contraindre tous ceux qu'il appartiendra & qui pour ce seront à contraindre par toutes voyes accoustumées en tel cas, nonobstant oppositions ou appellations quelconques, clameur de Haro, Chartre Normande, priuileges, mandemens, deffences & lettres à ce contraires, pour lesquelles & sans prejudice d'icelles, ne voulons estre differé. **C**AR tel est nostre plaisir: **E**N T E S M O I N de quoy nous auons fait mettre nostre seal à ces presentes. **D**ONNE à Blois, le septiesme iour de May l'an de grace mil six cens seize, & de nostre regne le sixiesme, Signé par le Roy en son Conseil, Baudouin, & seellé en doub'le queue du grand seal de cire jaune.



SUR CE QUI A ESTE REMONSTRÉ au Roy estant en son Conseil, la Royne sa Mere presente, par maistre Iean Dugoune Esleu en l'Eslection de Xainctes. Que sa Majesté ayant besoin d'estre promptement secourue d'une notable somme de deniers, pour employer à la necessité de ses affaires, mesmes à l'accomplissement des conditions accordées pour le bien de la paix, & au licentement de guerre, luy estant proposé plusieurs moyens pource faire, auroit esté iugé n'en auoir

plus de prompt que de reſtablir les cinquante ſols pour minot de ſel, dont ſa Maieſté auoit cy-de-
 uant, d'autant diminué le prix de gabelles en tous
 les greniers dependans de la ferme generale d'i-
 celles, & en faire bail, à commencer au premier
 iour du preſent mois de Iuillet, à celuy qui feroit
 l'aduançe deſdits deniers. Surquoy ledit Dugou-
 ne auroit offert à ſa Maieſté, que ſ'il luy plaiſoit
 luy faire bail de la ferme generale deſdites gabel-
 les, conioinctement avec leſdits cinquante ſols
 pour minot, il payeroit la ſomme de cinq mil-
 lions ſept cens ſoixante cinq mil cent quarente li-
 ures tournois, ſur laquelle ſomme il aduanceroit
 quinze cens mil liures, ſçauoir neuf cens mil li-
 quatre iours apres la deliurance dudit bail, & ſix
 cens mil liures à trois payemens eſgaux de deux
 mois en deux mois, dont il ne ſeroit rembourſé
 qu'au courant deſtrois premieres années d'iceluy
 & apres icelles expirées, faire encores pareille ad-
 uance de quinze cens mil liures: leſquelles offres
 ſa Maieſté apres auoir veües, conſiderées, & iu-
 gées raisonnables & vtils pour le bien de ſes af-
 faires, ſadite Maieſté les auroit par Arreſt donné
 en ſon Conſeil l'vnzieſme d'Auril dernier receues
 & acceptees, Et ordonné que dans 4. iours apres
 que les Articles de la Paix generale ſeroiēt ſignez,
 bail de ladite ferme generale des gabelles de Frâ-
 ce ſeroit expedié audit Dugoune, aux conditions
 portées par leſdites offres: à ſçauoir payer dans
 quatre iours apres le bail fait, les neuf cens mil li-
 ures, dont mention eſt faiſte par leſdites offres à
 la charge què ſi dans deux mois, à compter du
 iour de l'expedition dudit bail, il ſe preſentoit

personne qui fit la condition de sadite Maieſté
 meilleure d'une ſomme notable par an, comme
 de cent mil liures au moins, qu'il y ſeroit receu en
 rendant & payant dans huit iours apres ladicte
 ſomme de neuf cens mil liures qu'il eſtoit tenu
 payer à l'Eſpaigne, outre la ſomme de deux cés
 mil liures, a laquelle ſadite Maieſté auroit liqui-
 dé & arbitré les frais, & luy rendre pareillement
 les obligations ou promeſſes qu'il auroit faiçtes,
 à cauſe de ſix cens mil liures reſtans des quinze cés
 mil liures de la premiere année, autrement & à
 faute de ce faire, par l'adiudicataire, ſon adiudi-
 cation demeureroit nulle & de nul eſſet, & tenu
 de payer la ſur-enchere qu'il auroit faite par deſ-
 ſus leſdites offres: & les ſuſdits deux mois pazez
 qu'il ne ſeroit receu aucunes offres, publication
 ny adiudication faiçtes de ladite ferme: ains qu'il
 demeureroit en pleine poſſeſſion de ſon bail ſous
 la foy & aſſurance duquel il auroit auſſi toſt te-
 nuë preſte ladite ſomme de neuf cens mil liures,
 partie de laquelle il a aduancée & payée en la vil-
 le de Tours, & à Loudun, pour le licentiaement
 des gens de guerre, que ſans ce ſecours ſa Maieſté
 ne pouuoit congedier: ce qu'il n'a peu faire qu'a-
 uec grande perte de finance, non plus que les eſ-
 cortes, qu'il a eſté contrainct de prendre, pour
 la ſeureté des deniers, dont ſa Maieſté & Meſ-
 ſieurs de ſon Conſeil ſont bons teſmoins, & ledit
 bail luy ayant eſté fait le ſeptieſme iour de May
 dernier auroit payé comptant dans leſdits quatre
 iours, le reſte deſdits neuf cens mil liures, com-
 me appert par les quittances du Threſorier de
 l'Eſpaigne, & donné aſſurance neceſſaire de la-

dite somme de six cens mil liures , restans des quinze cens mil liures à ceux que sa Mejesté au roit assigné sur luy , & outre ce , fai& encores les aduances, qui luy furent commandées pour par faire ledit licentierment à l'instant de la resolution des articles de paix , dequoy sa Majesté a receu vn tres-grand seruice: que sans lequel el le auroit souffert perte de beaucoup plus que ladite somme de quinze cens mil liures , parce que iusques au iour que les licentiermens eussent esté fai&ts & les monstres payées aux gens de guerre , leurs appointemens eussent couru aux despens de sa Majesté, pour lesquels payer les sommes que sa Majesté pourroit receuoir par dessus le prix qu'il paye de la dicte ferme, n'eussent esté suffisantes, ainsi qu'il se peut juger par les offres fai&tes sur le prix entier dudit bail , en consequence des affiches apposées où besoin a esté , des offres & bail fai&ct de la dicte ferme generale desdites gabelles audit Dugoune. Surquoy Maistre Ysac Duryer auroit présenté des offres de prendre ledit bail des gabelles au mesme prix qu'en paye ledict Dugoune, & aux conditions de son bail, de payer encores cent mil liures pour chacune de sept annees dudit bail , & en outre hui& iours apres la verification d'iceluy mettre à l'Espargne par aduance la somme de deux cens mil liures , à la charge d'en estre remboursé par les quatre quartiers de la premiere annee d'icelle ferme.

Sur lesquelles offres les proclamations accoustumees auroient esté fai&tes audit Conseil , où à l'extinction de la chandelle , il y auroit eu quatre encheres de dix mil liures , outre lesdits cent

mill liures par Maistre Jacques Tartier, & ledict
 Duryer sur l'offre duquel Tartier le dernier feu
 se seroit esteint & remis au premier Conseil qui
 s'y tiendroît le Mardy suiuant, auant lequel
 iour ledit Dugoune supplie tres-humblement sa
 Majesté, attendu que les encheres ne sont con-
 formes aux conditions de sondit bail, d'autant
 que les deux cens mil liures doiuent estre en pure
 perte, à celuy qui doit encherir au profit dudit
 Dugoune, ce qui n'a esté offert par lesdits Du-
 rier & Tartier. Ordonner que ledit bail sera en-
 tierement executé, & considerer le grand & si-
 gnalé seruice qu'il a rendu, dont toute la France
 a receu grand soulagement, par le moyen du li-
 centiement desdicts gens de guerre, & qu'à ceste
 occasion il est entré en plus d'aduanee qu'il n'e-
 stoit obligé: mesmes engagé en d'autres affaires
 pour son seruice, & repos de ses subiects, des-
 quels il deuroit estre deschargé, le depossédant
 dudit bail, ou pour le moins le tirer des obliga-
 tions qu'il en a faictes par son mandement. Aussi
 que ledict Dugoune a ja faict de grands frais pour
 l'establissement de ladicte ferme, & les fourni-
 tures pressées, & que dans le premier iour de
 Iuliet de la presente année se doit commencer
 l'establissement des cinquante sols pour minot de
 sel, à quoy ledict Dugoune ne peut vacquer s'il
 n'est asseuré de son dict bail, aussi que si ledict
 Dugoune est euincé d'iceluy par le moyen de la-
 dicte enchere: il faudra que ladicte Majesté luy
 paye ladite somme de deux cens mil liures; puis
 que lesdicts Duryer & Tartier refusent de les luy
 payer: & outre la somme de trois cens mil liures
 qu'il

qu'il supplie sa Majesté de luy accorder, pour le tirer de perte des intereſts & fraix qu'il a faiſts. Veu par le Roy, eſtant en ſon Conſeil où eſtoient ladite Roynne mere de ſa Majesté, & pluſieurs Princes & Seigneurs, ledit arreſt du vn-
 ziefme Auriſ dernier. Autre arreſt du quatorzief-
 me dudiſt mois, ſur pluſieurs propositions eſ-
 quelles aucuns des aſſociez dudiſt Dugoune,
 ſont entrez pour le ſeruice de ſa Majesté. Bail
 faiſt audiſt Dugoune le ſeptiefme May dernier.
 Offres dudit Duryer preſentees audiſt Conſeil
 le dixiefme du mois de Iuin dernier. Et ſur leſ-
 quelles affiches ont eſté appoſées, & proclama-
 tions faiſtes à la chandelle eſteincte audiſt con-
 ſeil, où ont eſté faiſtes leſdites encheres. Sadite
 Majesté eſtant en ſondiſt Conſeil, ayant eſgard
 aux remonſtrances dudiſt Dugoune, & au grád
 & prompt ſecours qu'elle a reçu de luy, & pour
 ſe deſcharger deſdits deux cens mil liures accor-
 dez audiſt Dugoune, par lediſt arreſt du vn-
 ziefme Auriſ, & des intereſts par luy pretendus, A
 Ordonné & ordonne, qu'en payant par lediſt
 Dugoune la ſomme de cent mil liures par cha-
 cune des ſept annees dudit bail, outre la ſomme
 des cinq millions, ſept cens foixante cinq mil
 cent quarante liures portees par iceluy, il jouira
 de ladite ſeime generale des gabelles de France,
 aux charges, clauſes & conditions portees par le-
 dit bail, ians qu'il en puiſſe eſtre depoleſſé pour
 quelques encheres, cauſes & occasions que ce
 ſoit: de laquelle ſomme ſa Maiesté s'eſt conten-
 tée, au lieu des cent quarante mil liures c'eſt
 par leſdits Duryer & Tartier, pour les conſide

rationscy dessus représentées par ledict Dugoune, à la charge aussi quil aduancera & payera comptant es mains du Thresorier de l'Espargne, la somme de deux cens mil liures, à deduire sur lesdits six cens mil liures, restans des quinze cēs mil liures de la premiere année, portée par ledict bail. Ordonne en outre sadite Maieſté, qu'en attendant la verification dudit bail, les officiers des greniers a sel chacun en leur ressort, seront des a present la leuée desdits cinquante sols pour minot de sel, & laisseront iouyr ledit Dugoune, les Procureurs ou Commis, de l'effect dudit bail, a commencer dudit premier iour dudit present mois de Iuillet. Faict au Conseil du Roy tenu a Paris, en la presence & de l'aduis de ladicte Dame Roynne Mere de sa Maieſté, desdits Princes, de Monsieur du Vair Garde des seaux de France, du Contrerolleur general, & des Intendans des Finances, & autres dudit Conseil, le deuxiesme iour de Iuillet, mil six cens seize.

*Registré en la Cour des Aydes, ouy le
Procureur General du Roy, suiuant
Et aux charges portees, & l'arrest
de ladite Cour du iourd huy faict à
Paris le vingt-septiesme iour d'O-
ctobre, 1616.*



O V Y S par la grace de Dieu
 Roy de France & de Nauarre,
 a nos amez & feaux Conseillers
 les gens de nos Comptes, de
 de nostre Cour des Aydes de
 Paris, Thresoriers generaux
 de France audit lieu, & a O leans, Tours, Bour-
 ges, Moulins, Chaalons, Soissons & amiens, &
 a chacun d'eux comme il appartiendra, Salut.
 Par arrest de nostre Conseil du deuxiesme Iuil-
 let cy attache sous le contrefel de nostre
 Chancellerie, nous auons pour les causes & con-
 siderations y contenues confirme & continue,
 le bail fait de nos gabelles a noste cher & bien
 ame Maistre Jean Dugoune, auquel nous les
 auons adiugees des le septiesme May dernier,
 moyennant la somme de cent mil liures, outre
 & pardessus la somme de cinq millions sept cent
 soixante cinq mil cent quarante liures tournois
 qu'il s'est obligé nous payer par ledit bail, ce
 que voulans estre effectué. Nous a ceste fin
 vous mandons, ordonnons, & tres expressement
 enioignons par ces presentes signées de nostre
 main, qu'en faisans registrer ledit Contract co-
 me il vous est mandé par iceluy, vous ayez
 aussi a proceder a l'enregistrement de nostre
 dict arrest & entier effect de l'un & de l'autre,
 faire & souffrir iour ledit Dugoune, asso-
 ciez, cessionnaires ou Commis, selon leur forme
 & teneur, sans y apporter aucune restriction
 ny modification, nonobstant toutes ordonnan-
 ces & lettres a ce contraires. Car tel est nostre
 plaisir. Donné a Paris le deuxiesme iour de

Iuillet l'an de grace mil six cens seize, & de nostre regne le septiesme, signé L O V I S, & plus bas par le Roy. Potier, & seellées du grand seel de cire iaulne à simple queue.

ADIVDICATTON DER-
niere faite à Maistre Iehan de
Moisset subrogé au lieu dudit Du-
goune.



LO V I S Par la grace de Dieu Roy de France & de Nauarre, A tous ceux qui ces presentes lettres veront, Salut. Nous aurions cy deuant par l'aduis de nostre Tres-honorée Dame & Mere, & de nostre Conseil fait bail à Maistre Iean Dugoune du fournissement general de nos greniers à sel de France, & ferme de nos droicts de gabelle, prix de marchâts creuës, augmentations & fermes ioinctes, avec le restablissement des cinquante sols pour minot de sel pour sept années trois mois, commencées au premier iour de Iuillet an present mil six cens seize, & qui finiront le dernier iour de Septembre mil six cens vingt trois, moyennant la somme de cinq millions sept cens soixante cinq mil cent quarâte liures tournois par chacune desdites sept années dudit bail, payable de quartier en quartier

& six sepmaines apres chacun escheu , tant pour la ferme de nosdits droicts de gabelle, creuës & augmentations , fermes y iointes , establissement des cinquante sols pour minot, trente liures pour muid des emboucheures des riuieres de Seine & Loire , nouueaux subsides de ladite riuere de Loire, cinq sols , deux sols six deniers , & douze deniers des Secretaires sur chacun minot , dont les fermes & receptes ont esté iointes à nostre ferme des gabelles, tant par le bail dudit Robin, qu'arrest & declaration subsequente , & lesdits droicts incorporez a nos autres droicts de gabelle. Et pour le regard du quartier de Tuillet de la presente année , ledit Dugoune nous payeroit nosdits droicts de gabelle , creuës , & augmentations , trente liures pour muid d'emboucheure, & nouueaux subsides de Loyre cinq sols, deux sols six deniers, & douze deniers des Secretaires, sur le mesme pied de la vente de pareil quartier de l'année mil six cens quinze , & sans toutesfois qu'il fust tenu nous tenir compte du reestablissement desdits cinquante sols pour minot dudit quartier, qui luy demeureroient pour les frais, & establissement de ladicte remise & autres frais extraordinaires qu'il luy cōuiendrait faire a cause de la briefueté du temps dudit bail , & autres conditions portées par ledit bail. Par lequel bail entre autres choses est stipulé qu'en cas que dans deux mois il se presentast personne qui fist nostre condition meilleure d'une somme notable par chacune desdictes sept années, comme cent mil liures au moins par an, il y seroit receu, en rendant , & payant comptant audit Dugoune

huiſt iours apres l'offre qui ſeroit faiſte, la ſomme de neuf cens mil liures qu'il eſtoit tenu aduancer ſur le prix de ſon bail. Et en outre deux cens mil liures pour ſes fraix & loyaux couſts, & pareillement luy rendre les obligations ou promeſſes qu'il auroit faiſtes a cauſe de ſix cens mil liures, reſtans de quinze cens mil liures de la premiere aduance y contenuë, autrement celui qui auroit fait leſdites offres en ſeroit deſcheu. **D E P V I S** le quel bail faiſt Maſtre Iſaac Duryer auroit fait vne offre & encherre de cent mil liures par an, outre le prix porté par iceluy, laquelle auroit eſté receuë, & les chandelles allumées, où ſe ſeroit fait quatre encherres de dix mil liures chacune, outre leſdits cent mil liures, par Maſtre Iacques le Tartier, & ledit Duryer. Surquoy ſeroit interuenu arreſt de noſtre Conſeil du deuxieſme Iuillet dernier donné ſur la remonſtrance dudit Dugoune, par lequel auroit eſté ordonné, qu'en payant par luy la ſomme de cent mil liures par chacune des ſept années dudit bail, outre la ſomme de cinq millions ſept cens ſoixante cinq mil cent quarante liures portez par iceluy, il iouyroit de ladite ferme generale, aux charges & conditions portées par ledit bail, & a la charge d'auancer, & payer comptant es mains du Threſorier de noſtre Eſpargne la ſomme de deux cens mil liures à deduire ſur leſdites ſix cens mil liures reſtas deſdits quinze cens mil liures de la premiere aduance. **D E P V I S** le quel arreſt ledit Maſtre Iacques le Tartier ſe ſeroit encores preſenté, qui auroit fait offre de cent cinquante mil liures par an, outre le prix cy deſſus: a laquelle nous n'au-

riens eu esgard : Mais s'estant du depuis presenté
Maistre Jean Duhamel Controolleur de l'argen-
terie, & de nos menus plaisirs & affaires, qui au-
roit fait offre de nous bailler par chacune des sept
années dudit bail iusques a la somme de trois cens
mil liures : de plus que les sept cens soixante cinq
mil cent quarante liures portees par ledit bail, &
cent mil liures de plus portees par ledit arrest du
deuxiesme Iuillet. Et encores d'auancer deux cens
mil liures es mains du Thresorier de nostre Es-
pargne, pour faciliter le payement des deux cens
mil liures de recompence, accordees audit Du-
goune en cas de depossession de son bail, a la char-
ge de s'en rembourser aux deux dernieres années
d'iceluy & de satisfaire aux autres clauses & con-
ditions du bail dudit Dugoune : & iceluy entre-
tenir entierement.

Lesquelles offres, par arrest de nostre Cōseil du
vingt septiesme iour du present mois d'Aoust,
Nous aurions acceptées, & ordonné que suiuant
icelles, affiches seroient mises aux lieux & en-
droits pour ce deubs, & accoustumez, pour
estre ladite ferme generale des gabelles de France,
creuës & autres fermes y incorporées audit Con-
seil a ce iourd'huy mardy trentiesme du present
mois d'Aoust, au plus offrant, & dernier enche-
risseur, sans pre'erance aux conditions portées
par lesdites offres. S V I V A N T lequel arrest, affi-
ches auroient esté mises tant a la porre de nostre
Chasteau du Louure qu'ailleurs, par les huissiers
de nostre Conseil pour estre ladite ferme adiu-
gée en nostredit Conseil au plus offrant & dernier
encherisseur cedit iour trentiesme Aoust : ou

apres auoir ouy ledit Dugoune , Maistre Iean
 Pallot nostre Conseiller , & Secretaire & autres
 ses associez , qui nous auroient requis qu'il nous
 pleust ordonner qu'aucunes encheres ne seroient
 receuës , sinon à la charge de rembourser ledit
 Dugoune de ses aduances , luy payer les deux
 cens milliures à luy accordées par son bail , pour
 ses frais & loyaux cousts , ensemble le rembour-
 ser des interets de sesdites aduances , & de tous
 les frais par luy faits , & le dedommager à cause
 de la rupture de son bail , attēdu que lesdites deux
 encheres viennent apres les deux mois portez par
 iceluy. Ouy aussi Maistres Antoine Fremin &
 Pierre Iaquet anciens adudicataires des gabelles
 de Champagne & Normādie , & autres desdits ad-
 iudicataires , qui nous auroient requis qu'il nous
 pleust leur faire droict sur leur dedōmagement
 a cause de la rupture de leursdits baux & mes-
 uētes faictes pendant iceux à cause des troubles.
 Surquoy nous aurions ordonné qu'il leur seroit
 fait droict sur leurs pretentions , & ce pendant
 qu'il seroit passé outre à la publication & adiu-
 dication de ladite ferme sur l'enchere dudit Du-
 hamel , & à l'instant ladite ferme ayant esté pu-
 bliée par lesdits huissiers de nostre Conseil sur
 l'offre dudit Duhamel , seroient interuenus les
 deputez des trois Estats de Bourgongne , qui
 nous auroient remonstré qu'encore qu'eussions
 ordonné que lesdits cinquante sols pour minot
 de sel seroient de nouveau reestablis par toute l'e-
 stendue des greniers à sel dudit bail , neantmoins
 sur leurs remonstrances , que le prix du sel estoit
 beaucoup plus cher en Bourgongne qu'en nulles
 autres

autre des Prouinces dependant dudit bail , leur auroit esté accordé par arrest de nostre Conseil, du iour du present mois, qu'au lieu desdits cinquante sol pour minot de sel de nouveau re-
 stablis: Il seroit seulement leué aux greniers à sel de ladite Prouince qui se fournissent par la riuie-
 re de Seyne vingt sols pour minot , & à ceux d'i-
 celle prouince qui se fournissent par la riuie-
 re de Loyre 15. sols pour minot , dont ils auroient
 ja donné aduis aux principaux officiers & autres
 de ladite Prouince. Nous requerans leur vouloir
 continuer ceste mesme grace , & ordonner que
 le bail qui sera presentement fait desdites gabel-
 les soit fait & adiugé aux conditions portées par
 ledit arrest. Ce que nous aurions a l'instant or-
 donné, a la charge qu'ils feroient leuer toutes les
 restrictions, & modifications mises au verifika-
 tions dudit bail, faictes tant par nostre Cour de
 Parlement, que chambre des Comptes, & Tre-
 soriers de France a Dijon , & laisseroient iouyr
 paisiblement l'adiudicataire de toutes les condi-
 tions portées par le bail dudit Dugoune , a la
 reserve desdits cinquante sols pour minot de nou-
 uveau restablis, lesquels nous auons moderez en
 faueur de nostredite Prouince de Bourgongne a
 vingt sols pour minot de sel ez greniers de ladite
 Prouince qui se fournissent par la riuie-
 re de Seyne & quinze sols pour ceux de ladite Prouince qui
 se fournissent par la riuie-
 re de Loyre, & ce pour
 le tēps de sept années trois mois dudit bail seule-
 ment, & sans tirer a consequence pour l'aduenir,
 suivant ledit arrest de nostre Conseil. Ce qui au-
 roit aussi esté consenty par ledit Duhamel, & a

ces conditions fait allumer trois chandelles sur l'offre & enchere de trois cens mil liures de plus offerte par ledit duhamel. Et ordonné que chacune enchere seroit de vingt mil liures, tournois, ou au premier feu Maistre Philbert Bardot Advocat demeurant rue Simon le Franc, l'auroit mis a prix a trois cens vingt mil liure, Maistre Ieā de Moisset nostre Conseiller & Secretaire a trois cens quarante milliures: ledit Bardot a trois cens soixante mil liures: Surquoi ledit Maistre Iean duhamel nous auroit requis qu'il nous pleust de differer l'adiudication iusques au Ieudy premier iour de Septembre prochain. Ce qu'ayans fait deliberer en nostredit Cōseil, nous aurions ordonné qu'il seroit passé outre, & que presentemēt l'adiudicatiō de ladite fermes s'en feroit suivant ledit arrest de nostre Conseil dudit vingt-septiesme Aoust, affiches & publications sur l'enchere dudit Bardot, & sur ce ledit Duhamel l'auroit mis a prix a la somme de quatre cens mil liures, ledit Bardot à quatre cens mil liures, & ledit de Moisset a l'extinction du feu de la dernière desdites trois chandelles, à quatre cēs quarante mil liures, lequel nous auroit requis luy vouloir adiuger ladite ferme comme dernier encherrisseur, & apres l'extinction dudit feu, ledit Bardot l'auroit encherye à quatre cens soixante mil liures. Laquelle enchere ledit de Moisset auroit soustenu ne pouuoir estre receu pour estre venue a tard. Surquoy & en ceste contestation nous aurions de rechef fait allumer vne autre chandelle, & fait declarer a haute voix qu'a l'extinction d'icelle chandelle ladite ferme seroit

presentement adiugé sans aucune remise, attendu
 que l'on est ja a la fin des deux mois de la iouys-
 sance du present bail, & a l'extinction de ladicte
 chandelle ledit Maistre Iean de Moisset l'auroit
 encherie a quatre cens quatre vingts mil liures,
 auquel comme dernier encherisseur luy aurions
 adiugé ladite ferme & subrogé au lieu dudit
 Dugoune au bail desdictes gabelles creues, &
 fermes y incorporees a plain mentionnées par
 ledit bail, & en ces presentes. Sçauoir faisons que
 nous auons adiugé & adingons a iceluy de
 Moisset pour sept années trois mois a commen-
 cer dudit premier de Iuillet dernier, ladite fer-
 me generale des gabelles de Frances, creues, &
 fermes y ionctes, avec le reestablissement desdits
 50. sols pour minot de sel nouuellement resta-
 blis 20. sols & 1. sol pour minot de sel que nous
 ordonnons aussi estre reestablisen ladite Prouince
 de Bourgongne, au lieu desdits cinquante sols
 pour minot de sel, a commencer du premier iour
 de Iuillet dernier pour le temps dudit bail, &
 sans tirera consequence ainsi qu'il est dit cy deuât
 ensemble le fournissement desdits greniers a sel de
 l'estendue de ladite ferme generale des gabelles
 & tous autres droicts portez le bail fait audit
 Dugoune. Au lieu duquel Dugoune, nous a-
 uons subrogé & subrogeons ledit de Moisset,
 pour en iouyr par luy aux mesmes charges, clau-
 ses & cōditions portées par iceluy, a la charge de
 nous payer par chacune des sept années dudit
 bail de quartier, en quartier & six sepmaines apres
 chacund'iceux escheu, la somme de cinq millions
 7. cēs seixante cinq mil cent quarante liures tour-

nois que ledit Dugoune estoit tenu nous payer par chacune des sept années dudit bail, cent mil liures de plus portées par l'arrest de nostre Conseil du deuxiesme Iuillet dernier, & encores la-dicte somme de quatre cens quatre vingts mil liures tournois a laquelle se montent lesdites encheres faictes tant par ledit Maistre Iean Duhamel, Bardot que ledit de Moisset, reuenans toutes les susdites sommes ensemble a la somme de six millions, trois cens quarante cinq mil cent quarante liures tournois. Et pour le presët quartier de Iuillet il le payera & en iouyra aux mesmes clauses & conditions portees par le bail dudit Dugoune. Et en outre a la charge de rembourser dans huietaine ledit Dugoune des aduances qu'il a faictes, & estoit tenu faire suiuant ledit bail, & satisfaire aux autres aduances qu'il est tenu faire, dont ledit de Moisset sera remboursé au tēps & ainsi qu'il est porté par iceluy, & ecores de payer par aduance en nostre espargne, la somme de deux cēs mil liures pour employer au payement de pareille somme accordée audit Dugoune par le soixante treziesme Article dudit bail pour ses frais & loyaux cousts, desquels deux cens mil liures ledit de Moisset se remboursera sur les deniers qu'il debura fournir en nostre Espargne pendant les deux dernieres années de son bail suiuant ce qui a esté accordé sur les offres & encheres faictes par ledit Duhamel, & pour le regard des interests, frais, despens & desdommagement pretendu par ledit Dugoune a cause de la rupture de son bail. Nous ordonnons qu'ils seront arbitrez & arrestez en nostre Conseil rai-

sonnablement & au contentement d'iceluy Dugoune. Promettans en bonne foy & parole de Roy tenir ferme & stablele contenu en ces presentes, sans souffrir qu'il y soit contreuenue & à ceste fin, Mandons & ordonnons à nos amez & feaux les gens de nos Comptes à Paris, Dijon, & Roüen, Cour des Aydes audit Paris & Rouën, & Tresoriers generaux de France esdits lieux, Chaalons, Amiens, Caën Soissons, Orleans, Tours, Bourges, Moulins, & Blois, & à chacun endroit soy, que ces presentes ils verifient & facent enregistrer, & du contenu jouir & vser plainement & paisiblement, ledit de Moisset, ses Commis cessionnaires personniers, & associez, faisans cesser tous troubles, & empeschemens au contraires, & à ce faire souffrir, & obeyr, Contrainent, ou facent contraindre tous ceux qu'il appartiendra & qui pour ce seront à contraindre par toutes voyes accoustumées en tel cas, nonobstant oppositions, ou appellations quelconques, clameur de Haro, Chartre Normande priuileges, mandemens, deffences & lettres à ce contraires, pour lesquelles & sans preiudice d'icelles, ne voulons estre differé. Cartel est nostre plaisir. En tesmoin dequoy nous auons faict mettre nostre seal à cefdites presentes. Donné à Paris le trentiesme iour d'Aoust, l'an de grace mil six cens seize, & de nostre regne le septiesme, Signé par le Roy en son Conseil Bouër, & seellé en double queue du grand seal de cire jaulne.

*Arrest de la Cour des Aydes sur la
verification desdits Baux.*



EV PAR LA COVE. les lettres patentes du Roy en forme de bail données à Blois, le septiesme de May mil six cens seize, Signées par le Roy en son Conseil Baudouin, Et scellées sur double queuë de cire iaune, par lesquelles & pour les causes y contenuës, Ledit seigneur auroit fait bail, & adiudication à Maistre lean Dugoune Esleu à Xaintes du fournissement de ses greniers, & chambres à sel qui sont en l'estenduë des generalitez de Paris, Roüen, Caen, Amiens, Chaalons, Tours, Orleans, Soissons, Dion Bourges, Moullins, & ce qui depend de la generalité de Blois, droict de Gabelle, Pris de Marchant, creuës, & augmentations, Restablissement des cinquante sols pour minot de sel, trentre liures pour muid des emboucheures des riuieres de Loire, & Seine, nouueaux subside de ladite riuere de Loire, cinq sols, deux sols six deniers, & douze deniers des Secretaires sur chacun minot pour le temps de sept années trois mois commençantes au premier iour de Iuillet mil six cens seize. & qui finiront le dernier iour de Septembre mil six cens vingt trois, moyennant la somme de cinq millions sept cens soixante cinq mil cent quarante liures payables de quartier en quartier, six semaines chacun escheu, Et encores

aux charges portees par iceluy, Arrest donné au
 Cōseil priuē du Roy, le deuxiesme iour de Iuil-
 let mil six cens seize, Signé P O T I E R, & Scellé de
 cire iaulne, Par lequel auroit esté ordonné qu'en
 payant par ledit Dugoune la somme de cent mil
 liures par chacune des sept années de son bail ou-
 tre la somme de cinq millions sept cens soixante
 cinq mil cent quarante liures portées par iceluy,
 Il iouïroit de la ferme des gabelles de France, aux
 charges & conditions portees par son bail, sans
 qu'il en peust estre depossédé pour quelques en-
 cheres, causes, & occasions que ce soit, au lieu
 des cent quarante mil liures offertes par Durier
 & Tartier pour les consideratiōs représentés par
 ledit Dugoune, à la charge d'auācer & payer cō-
 prāt par iceluy Dugoune, es mains du Tresorier
 de l'Espargne la somme de deux cēs mil liures à
 desdrire sur les six cens mil liures de la premiere
 aduance portée par ledit bail, & qu'en attendant
 la verification d'iceluy les officiers des greniers à
 sel chacun en leur ressort seroient des à present
 la leuée des cinquante sols pour minot de sel, &
 laisseroient iouïr ledit Dugoune, ses procureurs,
 & commis de l'effect dudit bail, à commencer
 du premier iour de Iuillet mil six cens seize, Au-
 tre arrest dudit Conseil du trentiesme Aoust mil
 six cens seize, Signé par le Roy en son Conseil
 B O T I E R, & scellé de cire iaulne, par lequel &
 pour les causes y contenuës ledit seigneur auroit
 adiugé à Maistre Iean de Moisset ladite ferme
 generale des gabelles, creuës, & ferme y iointes,
 avec le reestablisement des cinquante sols pour
 minot de sel nouuellement reestablis, vingt sols,
 & quinze sols pour minot de sel aussi reestablis en

la Prouince de Bourgongne au lieu desdits cinquante sols pour minot de sel, ensemble le four-nissement desdits greniers à sel de l'estenduë de ladite ferme generale des gabelles, & tous autres droicts portez par le bail fait audit Dugoune, au lieu duquel Dugoune ledit Moisset auroit esté subrogé pour le temps de sept ans trois mois, à commencer du premier iour de Iuillet mil six cës seize, pour en iouyr par ledit de Moisset aux mesmes charges, clauses, & conditions portées par le bail dudit Dugoune, & de payer par chacune des sept années dudit bail de quartier en quartier, & six sepmaines apres chacun d'iceux escheu la somme de six millions trois cens quarante cinq mil cent quarante liures tournois, & pour le quartier de Iuillet mil six cens seize ordonné que ledit sieur de Moisset ioüiroit aux mesmes clauses, & conditions portées par le bail dudit Dugoune, & outre à la charge de rébourcer ledit Dugoune dans huiétaine des aduances qu'il a faictes, & qu'il estoit tenu faire suivant son bail, & satisfaire aux autres aduances qu'il est tenu faire, dont ledit de Moisset seroit remboursé au temps & ainsi qu'il est porté par le bail, & encores de payer par aduâce à l'espargne la somme de deux cens mil liures pour employer au payement de pareille somme accordée audit Dugoune par le soixante treziesme Article dudit bail, pour ses frais & loyaux cousts, desquels deux cents mil liures, ledit de Moisset se rembourseroit sur les deniers qu'il deuoit fournir à l'espargne pendant les deux années de son bail, suivant ce que luy auroit esté accordé sur les

offres

offres, & enchères de du Hamel, & pour le regard des intersts, frais, despens & desdommagement pretendus par ledit Dugoune, à cause de la rupture de son bail, ledit seigneur auroit ordonné qu'ils seroient arbitrez & arrestez en son Conseil raisonnablement & au contentement d'iceluy Dugoune. Requête presentee par ledit de Moisset à ladicte Cour, à ce qu'il luy pleust proceder à la verification dudit bail & arrest dudit Conseil, Arrest de ladite Cour du vingtyniesme Octobre mil six cens seize, par lequel elle auroit ordonné que dans le lendemain les opposans a la verification dudit bail comparoistroient pardeuant le Rapporteur de l'arrest à la premiere assignation qui leur seroit baillée aux domiciles par eux esleuz pour desduire leurs causes d'opposition sur lesquelles ils produiroient par deuers luy ce que bon leur sembleroit au iour ensuiuant pour ce faict leur estre par la Cour fait droict, sans esperance d'autre delay, Forclusions ny significations de requête, & faute de comparoir, desduire leurs causes d'opposition, & satisfaire audit arrest qu'il seroit passé outre par ladite Cour à la verification desdites lettres, ainsi que de raison. Procez verbal fait par le commissaire à ce commis par ladicte Cour du vingt-deuxiesme Octobre mil six cens seize, par lequel il auroit donné deffaut à l'encontre des officiers du grenier à sel de Tours, Michel Poinnant mesureur ancien & alternatif au mesurage d'ingrande, Jacques le Tartier, Maistre Anthoine Fremin & autres adiudicataires des greniers à sel de Soissons, Orleans, Anjou, Touraine, & Ni-

uernois, & par vertu d'iceluy ordonné que l'arrest de ladite Cour dudit vingt-vniefme Octobre seroit executé, & outre pour le regard des autres opposans comparans leur auroit esté donné acte de leurs dires, & declarations, & pour le surplus ordonné qu'ils satisferoient audit Arrest, Et pour le regard des Capitaines, Lieutenans, Enseignes, Archers, Arballestriers, & Arquebusiers de ceste ville de Paris sur les lettres afin de rescision par eux incidamment obtenues, les auroit appointez en droit à escrire & produire & joindre à l'instance d'opposition pour sur le tout leur estre fait droit, & donné acte audit de Moisset de ce que pour toutes defences & production contre lesdictes lettres & opposition il auroit employé son bail, & ausdits Capitaines, Lieutenans, Enseignes, Arballestriers, Archers & Arquebusiers de ce qu'ils auroient employé pour causes d'opposition, & production sur icelles, ensemble sur les lettres leurs priuileges & lettres, & de ce que ledit de Moisset auroit employé son bail pour toutes productions contre les autres opposans. Production desdits Capitaines, Lieutenans, Enseignes, Arballestriers, Archers & Arquebusiers, causes d'opposition & production des officiers des greniers d'Angers & Saumur, causes d'opposition des Officiers du mesurage d'ingrande, causes d'opposition & production des grenetiers & Contrôleurs des greniers à sel de France, Requête & autres pieces des Doyens Chanoines & Chapitre du Mans employé pour cause d'opposition & production, Conclusion, du Procureur General du Roy, & tout confide-

rè. LA COUR A ORDONNÉ ET ORDONNE que lesdites lettres en forme de bail, ensemble lesdits Arrests du Conseil Priué du Roy, des deuxiesme Iuillet & trentiesme Aoust derniers, seront registrez au greffe d'icelle, à la charge qu'il ne se fera autres leuées sur le sel, que celles auôtorisées par lettres patentes verifiées en ladicte Cour, & que les deniers affectés au payement des arrerages des rentes constituées sur les greniers à sel, & autres effects portez par lesdites lettres y seront entierement employez sans estre diuertis ailleurs sur les peines portées par les ordonnances, & Arrests de ladite Cour, & outre aux charges, & modifications qui ensuiuent, Sçauoir est que le premier article aura lieu, à la charge que les cinquante sols sur minot ne se leueront que pendant les six années portées par l'Arrest de veriffication de ladite leuée, Les deux, trois, vingt-sept, & cinquantesixiesme articles sans approbation de l'incorporation aux droicts de gabelle de trente liures des emboucheures & autres subsides mentionnez audit deuxiesme article, & à la charge que les gaiges des compagnies, & Cours souueraines seront receuz à la maniere accoustumée. Le quatriesme, à la charge qu'en cas de leuée sur le sel passant ou prise de deniers prouenant de la vente d'iceluy, l'adiudicataire se pouruoirá par deuers le Roy, sans qu'il puisse faire aucune leuée sur le sel és greniers pour raison de ce. Sur le cinquieme, sans que les Thresoriers generaux de France, puissent prendre aucune iurisdiction contentieuse desdits dons, oôtroys & gaiges de presidiaux & autres natures de deniers mentionnez

audit article. Sur le sixiesme qu'il aura lieu suivant les modifications du premier article. Sur le septiesme, que les officiers du mesurage d'ingrande, feront le contre-mesurage aux Pont de Scé, & à Angers, & quant aux officiers des contre mesurages d'Angers & Saumur, seront conservez en leurs gaiges & droicts. Sur le dixiesme, que l'adiudicataire sera dispensé du repos du sel, pour les six premiers mois de son bail seulement. Sur le treziesme, sans que le reiglement mentionné en l'article, puisse auoir lieu, que au prealable il n'ait esté verifié en ladite Cour. Sur le quinziesme, qu'il aura lieu, & seront les mesurages & distributions du sel faicts à la maniere accoustumée suivant l'ordonnance. Sur le dix-septiesme, que le dit de Moisset prendra les officiers estans hors d'exercice pour faire les perquisitions & recherches mentionnées audit article, excepté celles qu'il conuiendra faire en la ville & banlieue ou les greniers seront scituez ausquelles les officiers estans en exercice pourront vacquer, & quant aux salaires & vacations desdits officiers & surplus de l'article auoir lieu suivant l'ordonnance. Sur le vingt-troisiesme que l'impost aura lieu suivant les arrests de ladite Cour & comme il a esté estably durant le bail de Robin, & à la charge que les differens qui interuiendront pour raison du contenu audit Article seront iugez par ladite Cour. Le vingt-neufiesme aura lieu sans retardation prejudice ny diminution du payement des rentes constituées sur lesdits droicts de gabelles. Lesquelles seront entierement payées par ledit de Moisset de quartier en quartier, & lix

semaines apres chacun escheu à commencer en-
 suite du dernier quartier qui aura esté acquitté
 par le precedent fermier. Sur le trente quatries-
 me, que les noms des Archers & gardes nommez
 par ledit de Moisset seront enregistrez és Greffes
 desdits greniers : & presteront lesdits nommez le
 serment pardeuant les grenetiers & Controллеurs
 sans pour ce payer aucune chose, & seront tenus
 lesdits Archers & gardes de porter les procez
 verbaux de leurs captures aux greffes desdits gre-
 niers dās trois iours apres icelles faites, pour estre
 procedé à la punition des coupables conformé-
 ment aux Edicts & arrests de ladite Cour: Et sera
 ledit de Moisset tenu de leur fait ciuilement. Sur
 le trente cinquiesme, quel'article aura lieu, à la
 charge que lesdits Preuosts des Mareschaux ne
 pourront proceder que contre ceux qui porte-
 ront & conduiront du faux sel par la campagne,
 & non contre les domiciliiez & habitans des vil-
 les, & qu'au iugement le plus ancien grenetier
 presidera, à la charge de l'appel. Sur le trente-
 sixiesme, Pour le regard des dechets aduenus sans
 fraude seulement, & pour les naufrages & autres
 dechets de voitures qui seront iustifiez par pro-
 cez verbaux ; & certificats des officiers. Sur le
 trente-huitiesme quel'eualuation desdits peages
 qui reste a faire se fera en ladite Cour suiuant l'or-
 donnance de l'an mil cinq cens quarante six, &
 cependant que les Arrests obtenus par aucunes
 communantez ou particuliers, mesmes par les
 opposans audit bail, a ceste fin seront executez
 par prouision iusques a ce que parties oyés, au-
 trement par ladite Cour en ait esté ordonné. Le

quaratiésme aura lieu par prouisiō & sans prejudice de l'opposition des officiers, sur laquelle sera fait droit, partyes ouyes, ainsi que de raison. Sur le quarante deuxiésme, que ledit sel sera conduit par les riuieres & endroits ordinaires & accoustumez suiuant les Edicts & arrestz de ladite Cour. Sur le quarante-cinquiésme, sans prejudice de l'appel sur lequel les parties se pouruoiront en ladiéte Cour, demeurant neantmoins en la liberté de l'adiudicataire & ses commis de se pouruoir pour lesdites contraintes pardeuant les officiers des greniers : ainsi qu'ils verront bon estre & a la charge que les laboureurs ne pourront estre contraints a charier le sel en temps de semaille & moissons, durant lequel temps ne seront pris que degré à gré suiuant les reglemens & arrestz de ladite Cour. Le quarante septiésme n'aura lieu sans lettres patentes du Roy verifiées en ladite Cour, Les quarante-huit, & quarante-neufiésme auront lieu suiuant les ordonnances du Roy, arrestz & reiglement de ladiéte Cour. Sur le cinquantiésme sera fait droit apres que le reiglement y mentionné du mois de Feburier mil six cens quinze aura esté veu & verifié en ladite Cour. Et pour le regard du cinquante troisiésme sera furcis au iugement dudit article iusques a ce que le procès appointé au Cōseil entre ledit de Moisset & les vendeuses en destail de poisson sallé de ceste ville de Paris ayt esté iugé, & ce pendant seront les ordonnances, & arrestz de ladiéte Cour obseruez.

Le cinquante septiésme n'aura lieu sinon en cas de l'ordonnance. Le soixantiésme aura lieu pour-

ueu que lesdits commis ne possèdent heritages
 sur les lieux, ny tiennent maison à part ny famille.
 Le soixante sixiesme sauf pour le regard de ceux
 qui ont obtenu arrestz en ladite Cour, & à la
 charge que les differends qui interuiendront sur
 le contenu en l'article serôt iugez en icelle Cour
 suiuant les ordonnances. Sur le soixante septies-
 me, à la charge que l'execution dudit article se
 fera en ladite Cour, conformément à ladite or-
 donnance de l'an mil cinq cens quarante six & ar-
 rest sur icelle du Decembre mil
 six cens sans que les Tresories de France en puis-
 sent prendre cognoissance. Le soixâte huictiesme
 n'aura lieu, sauf audit de Moisset d'informer des
 abbuz & maluersations qui se commettent audit
 mesurage par les plus prochains officiers des lieux
 pour y estre pourueu par ladite Cour ainsi que de
 raison Sur le 60. neuuesme que le reglement veri-
 fié en ladite Cour le vingthuictiesme Auiil mil
 cinq cens quatre-vingts 19. aura lieu. Sur le 60.
 vnziemes à la charge que les regratiers ne pour-
 ront estre depossédez: & ny pourra ledit adiudi-
 cataire commettre que au prealable ils ne soient
 rembourcez, Lesquels regratiers exerceront
 leurs charges suiuant les Edicts & ordonnances
 du Roy, Arrests & reiglemens de ladicte Cour.
 Prononcé le vingt septiesme iour d'Octobre l'an
 mil six cens seize.

INSSION SUR L'ARREST
de la Cour des
Aydes.



OVYSPAR LA GRACE DE
Dieu Roy de France & de Na-
uarre, A nos amez & feaux Cō-
seillers les genstenāt nostre Cour
des Aydes à Paris salut, en pro-
cedant par vous à la verifcation
du bail general de nos gabelles fait à Maistre lean
Dugoune, le septiesme iour de May dernier, &
subrogation à iceluy de Maistre. Jean de Moisset
du trentiesme Aoust ensuiuant : Vous y auez ap-
porté tant de modifications sur iceux par vostre
arrest du vingt-septiesme Octobre dernier, que
ledit de Moisset nous a declaré ne pouuoir satis-
faire aux charges de son contract s'il ne ioüist en-
tierement des conditions que nous luy auons ac-
cordées par iceluy. A ces Causes nous vous man-
dons, commandons, & très-expressément enioi-
gnons par ces presentes signées de nostre main,
que repris par vous ledit bail, Arrest & subroga-
tion, & sans attendre autre plus expres comman-
dement qui pourroit vous estre fait de nostre
part, soit de parolle ou par escrit que ces presen-
tes vous seruiron de premiere, seconde & final-
le Iussion, Vous ayez toutes affaires cessantes &
postposées à leuer & oster toutes modifications
& restrictions par vous apportées à la verifca-
tion dudit bail fait audit Dugoune à Blois, le se-
ptiesme

ptiesme iour de May dernier : & arrest de nostre Conseil du trentiesme Aoust ensuiuant de subro-
bation d'iceluy audit de Moisset, nonobstant
vostredit arrest cy-attaché sous le contre-seel de
nostre Chancellerie, quen'entendons luy nuire
ne preiudicier, mais nonobstant iceluy qu'il iou-
yffe de toutes les clauses & restrinctions portées
par iceux bail & arrest, sans aucune modification
ny restrinction, à fin qu'il puisse satisfaire à ce
qu'il est obligé par ledit contract, Car tel est no-
stre plaisir. Donné à Paris le vingt- cinquiesme
iour de Nouembre l'an de grace mil six cens seize
Et de nostre regne le septiesme, Signé Louys, &
plus bas par le Roy Potier, Et seellé du grand sel
de cire jaulne.

*AUTRE ARREST DE
ladite Cour des Aydes sur Iussion
pour leuer les modifications du préce-
dent arrest.*



EV PAR LA COUR
les lettres patentes du Roy,
en forme de iussion, données
a Paris le vingt cinquiesme
Nouembre mil six cens seize,
signées Louis, Et plus bas
Potier, & scellees du grãd sceau
sur simple queue de cire iaulne : Par lesquelles est
mandé a ladite Cour, que depuis le bail general
L

des gabelles fait par sadite Majesté a Maistre Jean Dugonne le septiesme May audit an mil six cens seize. Auquel Dugonne, Maistre Jean de Moisset auroit esté subrogé par Arrest du Conseil du trentiesme Aoust audit an, ensemble l'Arrest de ladite Cour du vingt-septiesme Octobre ensuiuant interuenu sur la verification dudit Bail, ladite Cour ait a oster & leuer toutes les modifications & restrictions par elle apporté a la verification dudit Bail : Nonobstant ledit Arrest. *Voulant* ledit Seigneur lesdites lettres de iussion valoir de premiere ; seconde & finale iussion, Ledit Bail fait audit Dugonne, Arrest du Conseil cy dessus datté, avec l'Arrest de ladite Cour, & autres pieces attachees sous le contre seal desdites lettres. Conclusions du Procureur General du Roy, & tout considéré. La Cour, a ordonné & ordonne que l'Arrest du vingt septiesme Octobre mil six cens seize. Donné sur lesdites lettres patentes en forme de Bail, tiendra fors & excepté pour les articles qui ensuiuent. Sçauoir est pour le dixiesme Article, lequel sera passé purement & simplement, & les modifications leuees, le dix septiesme à la charge que les Officiers en l'année de leurs exercices ne pourront estre employez pour faire les recherches hors les villes & autres lieux esquels sont scituez les greniers, sinon en cas de parenté au degré de l'ordonnance, ou de quelques legitimes causes de recusations desdicts Officiers qui seront hors d'exercice, le vingt neuuesme sans diminution ny diuertissement des deniers destinez au payement des rentes que ledit de Moisset sera tenu mettre de quartier en quar-

tier es mains des payeurs d'icelles Le trentesiesme
 me sans preiudice de la recherche desdits dechets
 qui sera faicte suiuant les Edicts & Ordonnances
 Arrests & Reglemens deladite Cour. Le quaran-
 te-deuxiesme, a la charge que ledit adiudicataire
 ne pourra conduire aucun sel que par les embou-
 cheures des riuieres de Seine, Loire, & Somme, en
 prenant rescriptions pour le sel qui entrera par les
 riuieres de Seyne & Loyre, des officiers du gre-
 nier à sel de saint Valery. Fait ladite Cour inhibi-
 tions & deffences aux officiers des greniers de
 receuoir aucun sel sans endosser les rescriptions de
 leurs certificats suiuant l'ordonnance. Le cin-
 quante trois, fors & excepté pour les reuendeurs
 & detaillereffes de poisson sallé en ceste ville de
 Paris, Ausquelles ladite Cour fait tres-expresses
 inhibitiōs & deffenses de vendre le sel procedant
 de leurs barils ou autres vaisseaux a quelque per-
 sonne que ce soit à peine des dommages & inte-
 rests de l'adiudicataire & d'amende arbitraire.
 Faict pareille deffences & soubs mesmes peines,
 Aux boulangers, pasticiers & autres personnes
 d'en acheter pour leurs salaisons ny vsage en quel-
 que façon que ce soit, & ce par prouision & ius-
 ques a ce que l'instance d'apointé au conseil en-
 tre ledit de Moisset & lesdites detaillereffes ait esté
 iugé & terminé en la Cour, sur les soixante six &
 soixante septiesme, La modification de ladicte
 Cour tiendra, sauf à l'adiudicataire de se pour-
 ueoir contre les arrests mentionnez esdicts arti-
 cles par les voyes de droict; sans que la fin de non
 receuoir de l'ordonnance puisse auoir lieu contre
 luy pour le temps escheu depuis lesdits arrests, &c.

ne courront les six mois prescrits par l'ordonnance que du iour du present arrest, Prononcé le dix-septiesme iour de Ianuier mil six cens dix sept.

Signé

BERNARD.

*Arrest de la Chambre des Comptes, sur
la verification desdits baux.*



EV PAR LA CHAMBRE les lettres patentes du Roy en forme de bail donné à Blois le septiesme iour de May dernier, Signées par le Roy en son Conseil Baudouin, par lesquelles & pour les causes y contenues : Sa Majesté a faict bail & adiudicatiō à Maistre lean Dugoune esleu en l'eslection de Xainctes du fournissement general de ses greniers de France & ferme de ses droicts de gabelles, prix de marchand, creuës & augmentations qui se leuent és generalitez de Paris, Champagne, Picardie, Soissons, Rouën, Caë, Orleans, Tours, Bourges, Moulins, Bourgonne, & ce qui depend de la generalité de Bloys pour sept années trois mois, commencées le premier iour de Iuillet dernier, & qui finiront le dernier iour de Septembre mil sept cens vingt trois, au mesme pris de marchand pour chacun grenier dont auoient iouy pendant leurs baux les nommez, Iosse & de Moisset precedens adiudicataires sans qu'il feust aucunement tenu à la diminution des cinquante sols pour minot que Maistre Thomas Robin dernier adiudicataire desdits greniers

& soubz-fermiers estoient tenus de faire au peuple sus ledit pris de marchant tant aux charges & conditions y contenues, que moyenant le pris, & somme de cinq millions sept cens soixante cinq mil cent quarante liures par chacune desdites sept années ainsi que plus au long le contiennent lesdites lettres, L'arrest du Conseil d'Estat tenu à Paris, le deuxiesme Iuillet aussi dernier, par lequel Sa Majesté ayant esgard aux remonstrances dudit Dugoune & au grand & prompt secours qu'elle auroit receu de luy, & pour se descharger des deux cens mil liures qui luy auoient esté accordés par Arrest du vnziésme Aueil precedent & des interests par luy pretendus : Auroit ordonné qu'en payant par ledit Dugoune la somme de cent mil liures par chacune desdictes sept années dudit bail outre ladite somme de cinq millions sept cens soixante cinq mil cent quarente liures, il iouyroit de ladicte ferme, sans qu'il en peust estre depossédé pour quelques causes ou occasions que ce feust, à la charge qu'il aduanceroit & payeroit comptant en l'espargne la somme de deux cens mil liures à deduire sur les six cens mil liures restans des quinze cens mil liures de la premiere année, & qu'en attédant la verification dudit bail, la leuée se feroit desdits cinquante sols pour minot de sel dont il iouyroit, à commencer du premier iour dudit mois. Lettres patentes sur icelles dudit iour deuxiesme Iuillet portant mandement à ladite Chambre faire registrer ledict contract & arrest, & du contenu iouyr ledict Dugoune & ses associez selon leur forme & teneur. Autres lettres patentes données à Paris le tren-

riefme Aoust dernier, Signées par le Roy en son
 Conseil B O V E R, Par lesquelles & pour les cau-
 ses y contenues. Sa Maiefté auroit de nouveau
 adingé à Maistre Iean de Moisset pour lesdits
 sept années trois mois, a commencer dudit pre-
 mier iour de Iuillet dernier, Ladiſte ferme gene-
 ralle des gabelles de France, creués & fermes y
 ioinſtes, avec le reſtaſſement deſdicts cin-
 quante ſols pour minot vingt ſols & quinze ſols
 en la prouince de Bourgongne, au lieu deſdicts cin-
 quante ſols, tant moyennant le pris & ſomme
 de ſix millions trois cens quarante cinq mil cent
 quarente liures qu'aux charges y contenuës. Re-
 queſte preſentee par ledit de Moisset afin de veri-
 fication dudit bail, Autre requête preſentee a la-
 dite Châbre par les officiers des meſurages a ſel
 d'Angers & Saumeur, afin d'eſtre receuz oppo-
 ſans la verification dudit bail, pour le grand
 intereſt qu'ils y auoient & d'auoir communica-
 tion d'iceluy pour deduire leurs cauſes & moy-
 ens de leur dite oppoſition: Autres requêtes pre-
 ſentees par les officiers du meſurage a ſel d'In-
 grande, Les grenetiers & controolleurs des gre-
 niers a ſel, & par les Religieuſe: Abbeſſe & con-
 uent de Mommartre au meſmes fins d'eſtre re-
 ceuz oppoſans ladite verification, Remonſtran-
 ces des Preuoſt des Marchans, Eſcheuins &
 Conſeillers de la ville de Paris, du quatorzième
 Octobre dernier, & requête par eux preſentee
 afin d'auoir communication, dudit bail pour y
 coter leur intereſts. Arreſts interuenus ſur icelle
 des douze, dix-neuf, vingt, vingt-fixième iours
 de Septembre, & huitième Octobre dernier, Par

lesquels a esté leur auroit esté donné de leurs oppo-
 sitions, & ladite verification, causes & moyens
 d'opposition desdits opposans. Responces a icel-
 les dudit de Moisset, & repliques d'aucuns d'i-
 ceux opposans. Autre requeste représentée par
 ledit de Moisset a ce que sans auoir esgard ausdites
 oppositions, il fust passé outre à la verification
 pure & simple dudit bail, sauf a eux à se pouruoit
 pardeuers le Roy en son Conseil pour leur estre
 fait droit. Arrest sur icelle du sixiesme dudit mois
 d'Octobre, par lequel auroit esté ordonné le tout
 estre communiqué au procureur general du Roy
 pour luy, ouy, ordonner ce que de raison, l'ex-
 trait du cinquantesme article de l'Edict de Pa-
 cification du mois de May dernier pour la leuée
 desdits cinquante sols pour minot de sel qui a-
 uoient esté en l'année mil six cens dix. Arrest de
 verification en la Cour des Aydes du septiesme
 Iuin ensuiuant, Conclusions du procureur gene-
 ral du Roy, & tout considéré, La Chambre a or-
 donné & ordonne lesdites lettres du bail, Arrest
 du Conseil, Lettres patentes du deuxiesme Iuil-
 let & autres lettres de declaration du trentiesme
 Aoust ensuiuant & dernier passé estre registrées
 pour iouyr par ledit de Moisset du contenu en
 icelles, aux charges & modifications qui ensui-
 uent assauoir sur le premier article dudit bail que
 les cinquante sols pour minot y mentionnez ne
 pourront estre leuez que pour le temps d'iceluy
 seulement: Sur le deuxiesme que les grenetiers &
 controolleurs iouyront des six deniers pour liure
 des creus de cinquante sols, & deux sols six de-
 niers, encorés qu'ils n'en fassent le maniemment.

Sur le septiesme que les officiers du mesurage d'Ingrande feront le contre mesurage au pont de Sée & Angers: & quant à ceux des contre mesurages dudit Angers & Saumur, qu'ils feront confirmez en leurs gages & droits. Sur l'ôziesme article que ledit fermier iouira des gages des officiers decedez, dont les offices seront vacquans par mort, depuis leur deceds iusques au iour de la prouision des nouveaux pourueuz ausdits offices seulement. Sur les dix huit, dix-neuf, 20, 20-ving, & 20 huitiesmes ou il escherroit desdommagement ou deschargé audit de Moisset, il sera tenu de rapporter lettre de la volonté du Roy, qu'il fera verifier par ladite chambre. Sur le vingt-troisiesme, que l'impost du sel sera continué és lieux où il est de present legitiment estably. Sur le vingt-septiesme, que les deniers destinez pour le payement des gages des quatre Cours souueraines seront receus, maniez & departis en la mesme forme & maniere qu'ils l'ont esté cy-deuant, & sont encores à present suiuant ce qui a esté conuenu entre les Receueurs desdites Cours, & ledit de Moisset, & ayant esgard aux remonstrances des Preuost des Marchands & Escheuins de la ville de Paris. Ordonne que ledit de Moisset sera tenu payer entierement le fonds des quatre quartiers des rentes deuës à l'hostel de ladite ville, assigné sur lesdites gabelles, incontinent après chacun quartier escheu és mains des Receueurs & payeurs desdites rentes, à commencer en suite du dernier quartier qui aura esté acquitté à ce que les six semaines apres chacun quartier escheu, lesdits Receueurs puissent ouurir le bureau &

& faire ses payemens aux particuliers rentiers sans discontinuation, qu'il payera en outre les deniers des espices, façon & reddition des comptes, gages desdits Receueurs, & controoleurs, le tout en vertu des contraintes desdits Preuost des Marchands & Escheuins, pardeuant lesquels pour seureté de ce que dessus, & suiuant le trente-deuxiesme article, il sera tenu bailler bonne & suffisante caution, & en rapporter l'acte au greffe de ladite chambre dedans quinzaine du iour du present Arrest: Payera aussi les cent vingt mil liures de gages de nouveau créés & assignez sur lesdites gabelles, & mettra le fonds entier des gages, des officiers de iudicature, restés a rembourser, assignez sur les deux sols six deniers ioincts audit bail, es mains des Receueurs qui ont accoustumé d'en faire les payemens, de tous lesquels payemens, mesmes des gages des officiers qu'il est tenu payer par l'onzieme article, il fera tout cōpter en ladite chambre d'an en an, & six mois après chacune annee expiree par cōptes distings & separez sans neantmoins que lesdits grenetiers & cōtroolleurs qui ont esté pourueus depuis l'annee mil six cens quatorze, puissent estre payez de leurs gages qu'au prealable ils n'ayent fait & presté le serment en ladicte chambre, & faisant droit sur l'opposition desdictes Religieuses, Abbesse & Conuent de Mont-Martre,

Au trente-troisiesme article: ordonne ladite Chambre qu'elles iouyrōt des quatre septieiersse qu'elles ont droit de prēdre pour la prouision de leur maison, en payant le droit de marchand&

les augmentations imposees pour le payement des gages desdites Cours souueraines, suiuant leurs lettres de priuilege & arrests de verification, comme au semblable tous ceux dont les priuileges ont esté bien & deuement verifiez. Que le trentehuiettesme article dudit bail sera suiuy sans preiudice des droicts des parties, & deffences au contraire dudit de Moisset, & sur le soixanrehuiettesme article ayant esgard aux oppositions des officiers d'edits mesurages d'Ingrande, Saumeur & Angers, ordonne que lesdits officiers Mesureurs & raddeurs ne pourront estre depossedez qu'en cas de maluersation bien & deuement verifiée pardeuât les iuges ordinaires, & sans approbation des interets, despens & desdommagemēt pretendus par ledit Dugoune à cause de la rupture de son dit bail, ainsi qu'il est porté par lesdictes lettres de declaration & subrogation dudit de Moisset à iceluy Dugoune, attendu les deux cens mil liures à luy accordez suiuant le soixante treziesme article de son dit bail dont il se doit contenter. Faict le neufiesme iour de Decembre mil six cens seize.

Extraict des Registres de la Chambre des Comptes,

Signé.

BERTHELIN



